



焦氏易林





欽定四庫全書提要

易林十六卷漢焦延壽撰延壽字贛梁人昭帝時

由郡吏舉小黃令京房師之故漢書附見於房傳

黃伯思東觀餘論以為名贛字延壽與史不符又

據後漢小黃門譙君碑稱贛之後裔疑贛為譙姓

然史傳無不作焦漢碑多假借通用如歐陽之作

歐羊者不一而足亦未可執為確證至舊本易林

首有費直之語稱王莽時建信天水焦延壽其詞

蓋出偽託鄭曉嘗辨之審矣贛嘗從孟喜問易然



其學不出於孟喜漢書儒林傳記其始末甚詳蓋  
易於象數之中別爲占候一派者實自贛始所撰  
有易林十六卷又易林變占十六卷竝見隋志變  
占久佚惟易林尚存其書以一卦變六十四六十  
四卦之變共四千九十有六各繫以詞皆四言韻  
語考漢藝文志所載易十三家著龜十五家不及  
焦氏隋經籍志始著錄於五行家唐王俞始序而  
稱之似乎後人所附會故鄭曉古言疑其明夷之  
咸林似言成帝時事節之解林似言定陶傅太后  
事皆在延壽後顧炎武日知錄亦摘其可疑者四  
五條然二家所云某林似指某事者皆揣摩其詞  
炎武所指彭離濟東遷之上庸者語雖出漢書而  
事在武帝元鼎元年不必漢書始載又左傳雖西  
漢未立學官而張蒼等已久相述說延壽引用傳  
語亦不足致疑惟長城旣立四夷賓服交和結好  
昭君是福四句則事在元帝竟寧元年名字炳然  
顯爲延壽以後語然李善註文選任昉竟陵王行  
狀引東觀漢記曰獻王輔永平五年秋京師少



雨上御雲臺詔尚席取卦具自卦以周易卦林占  
之其繇曰螳封穴戶大雨將集明日大雨上卽以  
詔書問輔曰道寧有是耶輔上言曰案易卦震之  
蹇蟻封穴戶大雨將集蹇艮下坎上艮爲山坎爲  
水出雲爲雨蟻穴居而知雨將雲雨蟻封穴故以  
蟻爲典文云云今書蹇繇實在震林則書出焦氏  
足爲明證昭君之類或方技家輾轉附益竄亂原  
文亦未可定耳崇文總目言其推用之法不傳而  
黃伯思記王秘占程迥記宣和紹興二占皆有奇  
驗則其術尚有知之者惟黃伯思謂漢書稱延壽  
易分六十四卦更直日用事者乃變占法非易林  
法薛季宣易林序則謂易林正用直日法辨伯思  
之說爲謬竝爲圖例以明之其說甚辨今錄季宣  
序與王俞序以存一家之言俞序本名大易通變  
與諸本不同疑爲後來卜筮家所改非其舊也此  
書隋唐宋志俱作十六卷故季宣序稱每卷四林  
每林六十四變今一本作四卷不知何時所併無  
關宏旨今亦姑仍之焉



案漢書儒林傳曰孟喜受易於田王孫得易家候陰陽災變書詐言田生且死時枕喜膝獨傳同門梁邱賀疏通證明之曰田生絕於施讎手中時喜歸東海安得此事焦延壽案

文無焦字蓋承上而言今節錄其文故補此字使姓名完具 嘗從孟喜問

易京房以為延壽即孟氏學翟牧白生不肯勿皆曰非也劉向校書以為諸易家說皆祖

田何楊叔丁將軍大義略同惟京氏為異黨延壽獨得隱士之說託之孟氏不相與同然

則陰陽災異之說始於孟喜別得書而託之田王孫焦延壽又別得書而託之孟喜其源實不出於經師朱彛尊經義考備列焦京二家之書蓋欲備易學宗派不得不爾實則以隋志列五行家為允也今退置術數類中以存其真



周易變卦序

大凡變化象數莫逃乎易惟人之情僞最爲難知筮者尚占憂者與處贛明且哲乃留其術俞巖耕東鄙自前困蒙客有枉駕蓬廬以焦辭數軸出示俞嘗讀班史列傳及歷代名臣譜系諸家雜說之文盛稱自夫子授易於商瞿僅餘十輩延壽經傳於孟喜固是同時當西漢元成之間凌夷厥政先生或出或處輒以易道上干梁王遂爲郡察舉詔補小黃令而邑中隱伏之事皆預知其情得以寵異蒙遷秩亦卒於官次所著大易通變其



卦總四千九十六題事本彌綸同歸簡易辭假出於經  
史其意合於神明但齋潔精專舉無不中而言近意遠  
易識難詳不可瀆蒙以爲辭費後之好事知君行者則  
子雲之書爲不朽矣昔聖唐會昌景虞歲周正主白靈  
越之雲溪漢王俞序

較定焦贛易林序

承議郎行秘書省較書郎臣黃伯思所較焦延壽易林  
中或字誤以快爲快以羊爲首以喜爲嘉以鶴爲鵲義  
可兩存焦延壽者名贛梁人以好學得幸梁王王供其  
資用令極意學旣成爲郡吏舉補小黃令但有盜先知  
盜遂無敢舉者考最當遷吏民上書乞留詔許增秩卒  
于小黃世人謂延壽之法凡筮得某卦則觀其所之卦  
林以占吉凶或卦爻不動則但觀本卦林辭爻本影有  
王佖者於雍熙二年春遇異人筮得觀之賁林云東行



易林目錄  
無門西出華山道塞於難遊子爲患之語最爲有準後  
之觀者不可不辨延壽所著雖卜筮之書出於陰陽家  
流然當西漢中葉去三代未遠文辭雅淡頗有可觀覽  
謹錄上

易林目錄

卷一

乾

坤

屯

蒙

需

訟

師

比

小畜

履

泰

否

同人

大有

謙

豫

卷二

隨

蠱

臨

觀

噬嗑

賁

剝

復



无妄 大畜 頤 大過

坎 離

卷三

咸 恒 遯 大壯

晉 明夷 家人 睽

蹇 解 損 益

夬 姤 萃 升

困

卷四

井 革 鼎 震

艮 漸 歸妹 豐

旅 巽 兌 渙

節 中孚 小過 既濟

未濟



目錄終

易林雜識

東萊費直長翁曰六十四卦變占者王莽時建信天水  
焦延壽之所撰也夫易廣矣大矣以言乎遠則不禦以  
言乎邇則靜而正以言乎天地之間則備矣然易謂六  
十四卦也推而言之則繇說卦之所未盡故連山歸藏  
周易皆異詞而其卦雖三家並行猶舉一隅耳贛善於  
陰陽復造此以致易未見者其射存亾吉凶遇其事類  
則多中至於糜碎小事非其類則亦否矣贛之通達隱  
幾聖人之一隅也延壽獨得隱士之說



前漢書京房字君明治易事梁人焦延壽名贛贛貧賤好學得幸於梁王王供其資用令極意學既成爲郡吏察舉補小黃令以伺候先知姦邪盜賊不得發愛養吏民化行縣中舉最當遷三老官屬上書願留贛有詔許增秩留卒於小黃贛嘗曰得我道以亾身者京生也其說長於災變分六十卦更直日用事以風雨寒溫爲候各有占驗房用之尤精

宣和末長慶福崔相公在州日其時晏清無事思此聖書虔誠自卜得大過卦云典冊法書藏在蘭臺雖遭亂潰獨不遇災之遯卦辭曰坐席未溫憂來扣門踰牆北走兵來我後脫於虎口其時卜後十日州亂崔相公踰牆而出家族不損無事歸京乃知此書賢人所製初雖難會後詳無不中節見者當所敬重黃金白貴未能蒙於此書

紹興末完顏亮入寇時有人以焦贛易林筮遇解之大壯其辭曰驕胡火形造惡作凶無所能成遂自滅身其親切應驗若此雖天綱淳風不能過也開闢以來惟亮可以當之延壽著書何以知後世有亮也其漢焦延壽



傳易於孟喜行事見儒林傳中此其所著書也費直題其前曰六十四卦變又有唐王俞序所書每卦變六十四總四千九十六首皆爲韻語與左氏傳載鳳凰於飛和鳴鏘鏘漢書所載大橫庚庚子爲天王之語絕相類豈古之下者有此等書耶沙隨程迥記

舊見沙隨程氏所記紹興初諸公以易林筮時事奇驗求之歷年寶慶丁亥始得其書於莆田錄而藏之皆韻語古雅頗類左氏所載繇辭間嘗筮之亦驗獨恨多脫誤無他本是正嘉熙庚子自吳門歸雪川偶爲鄉守王寺丞侑道之因以家藏本見假雖復多脫誤而因兩本參互相校十頗得八九於是兩家所藏皆成全書其間亦多重復或數爻共一繇莫可稽究校畢歸其書王氏而志其校正本末於篇後云淳祐辛丑五月上浣直齋



五

易林筮儀

擇地潔處爲著室南戶置床于室中央

牀大約長五尺廣三尺毋太近壁

著五十莖韜以纁帛貯以皂囊納之櫝中置于牀北

櫝以竹筒或堅木或布漆爲之圓徑三寸如著之長

半爲底半爲蓋下別爲臺函之使不偃仆

設木格于櫝南居牀二分之北

格以橫木板爲之高一尺長竟牀當中爲兩大刻相距一尺大刻之西爲三小刻相距各五寸許下施橫



足側立案上

置香爐一于格南香合一于爐南日炷香致敬將筮則灑掃拂拭滌硯一注水及筆一墨一黃漆板一于爐東東上筮者齊潔衣冠北面盥手焚香致敬

筮者北面見儀禮若使人筮則主人焚香畢少退北面立筮者進立于牀前少西南向受命主人直述所占之事筮者右還北向立

兩手捧檮蓋置于格南爐北出著于檮去囊解鞞置于檮東合五十策兩手執之熏于爐上

此後所用著策之數其說並見啟蒙

命之曰假爾泰筮有常假爾泰筮有常某官姓名今以某事云云未知可否爰質所疑于神于靈吉凶得失悔吝憂虞惟爾有神尙明告之乃以右手取其一策反于檮中而以左右手中分四十九策置格之左右兩大刻此第一營所謂分而爲二以象兩者也

次以左手取左大刻之策執之而以右手取右大刻之一策掛于左手之小指間

此第二營所謂掛一以象三者也



次以右手四揲左手之策

此第三營之半所謂揲之以四以象四時者也

次歸其所餘之策或一或二或三或四而扞之左手無名指間

此第四營之半所謂歸奇于扞以象閏者也

次以右手反過揲之策于左大刻遂取右大刻之策執之而以左手四揲之

此第三營之半

次歸其所餘之策如前而扞之左手中指之間

此第四營之半所謂再扞以象再閏者也一變所餘

之策左一則右必三左二則右亦二左三則右必一

左四則右亦四通掛一之策不五則九五以一其四

而爲奇九以兩其四而爲偶奇者三而偶者一也

次以右手反過揲之策于右大刻而合左手一掛二扞

之策置于格上第一小刻

以東爲上後放此

是爲一變再以兩手取左右大刻之著合之

或四十四策或四十策



復四營如第一變之儀而置其掛扞之策于格上第二小刻是為二變

二變所餘之策左一則右必二左二則右必一左三則右必四左四則右必三通掛一之策不四則八四以一其四而為奇八以兩其四而為偶奇偶各得四之二焉

又再取左右大刻之著合之

或四十策或三十六策或三十二策

復四營如第二變之儀而置其掛扞之策于格上第三

小刻是為三變

三變餘策與二變同

三變既畢乃視其三變所得掛扞過揲之策而畫其爻于版

掛扞之策五四為奇九八為偶掛扞三奇合十三策則過揲三十六策而為老陽其畫為☰所謂重也掛扞兩奇一偶合十七策則過揲三十二策而為少陰其畫為☷所謂拆也掛扞兩偶一奇合二十一策則過揲二十八策而為少陽其畫為☱所謂單也掛扞



三偶合二十五策則過揲二十四策而爲老陰其畫爲×所謂交也

如是每三變而成爻

第一第四第七第十第十三第十六凡六變並同但第三變以下不命而但用四十九著耳第二第五第八第十一第十四第十七凡六變亦同第三第六第九第十二第十五第十八凡六變亦同

凡十有八變而成卦乃考其卦之變而占其事之吉凶卦變別有圖說見啟蒙

禮畢韜著襲之以囊入櫝加蓋斂筆硯墨版再焚香致敬而退

如使人筮則主人焚香揖筮者而退

代著法

儲泳曰筮易以著古法也近世以錢擲爻欲其簡便要不能盡卜筮之道自昔以錢之有字者爲陰無字者爲陽故兩背爲拆二畫也兩面爲單一畫也朱文公以爲錢之有字者爲面無字者爲背凡物面皆屬陽背皆屬陰反舊法而用之故建安諸學者悉主其說或謂古者



鑄金爲貝曰刀曰泉其陰或紀國號如鏡陰之有欵識也一以爲陰一以爲陽未知孰是大抵筮必以著求爲簡便必盡其法余嘗以木爲三彈丸丸各六面三面各刻三畫三面刻二畫呵而擲之以盡老少陰陽之變三丸各六面十有八變之義也三面爲三乾之九也三面爲二坤之六也此用九用八之義也三者乾之一畫而三也二者坤之一畫分二也此三天兩地之說也三丸擲之皆三則成九老陽數也三丸擲之皆二則成六老陰數也兩二一三則成七少陽數也兩三一三則成八

少陰數也所用者乾坤之畫以成八卦是乾坤生六子之象也丸象太極之一也三三爲乾三二爲坤象兩也三丸者象天地人之三才也每丸得數十五洛書皇極數也合三丸之數而爲四十有五河圖九宮數也上二則下三上三則下二動靜皆五故五藏于用參以四十五有五數大衍之數五十也三丸成九於上則三丸伏六於下此老陽變陰之體也三丸成六於上則三丸伏九於下此老陰變陽之體也二三相對每丸各具三五此參伍以變錯綜其數之旨也體圓而轉變動不居也六



位相乘周流六虛也三九六擲而成卦亦十有八變之  
義也既無錢背錢面陰陽之疑又合老少陰陽之變嘗  
語同志以爲然因著其法與天下共之凡得卦爻老變  
少不變則爲之卦

分卦直日之法

孟康曰分卦直日之法一爻主一日六十卦爲三百六  
十日餘四卦震離坎兌爲方內監司之官所以用震離  
坎兌者是二至二分用事之日又是四時各專主之氣  
各卦主一日其占法各以其日觀善惡

冬至日起頤  四爻第二日頤卦五爻第三日頤  
卦六爻第四日至第九日中孚  管事第十日至  
小寒前一日止復  卦管事

小寒至立春前一日止屯  謙  睽 

升  臨 

立春至驚蟄前一日止小過  蒙  益 

漸  泰 

驚蟄至清明前一日止需  隨  晉 

解  大壯 



清明至立夏前一日止豫  訟  蠱 

革  夬 

立夏至芒種前一日止旅  師  比 

小畜  乾 

芒種至小暑前一日止大有  家人  井 

咸  姤 



小暑至立秋前一日止鼎  豐  渙 

履  遯 

立秋至白露前一日止恒  節  同人 

損  否 

白露至寒露前一日止巽  萃  大畜 

賁  觀 

寒露至立冬前一日止歸妹  无妄 

明夷  困  剝 

立冬至大雪前一日止艮  既濟  噬嗑 

大過  坤 

大雪至冬至半月未濟  管六日蹇  卦管六

日其二日頤卦初爻二爻三爻每卦管六日看占卦



日值何卦管事卽以管事卦宮尋所占本卦斷之奇  
驗

易林卷一



漢焦延壽著  
昭文張海鵬訂

乾之第一

乾 道陟石別本作多阪胡言連蹇譯瘖別本作瘖且聾莫使道

通請謁不行求事無功

坤 招殃來螫害我邦國病在別本作傷手足不得安息

屯 陽孤亢極多所恨惑車傾蓋亾身常憂惶乃得其

願雌雄相從



蒙 鵠按爾雅鵠鵠鵠專一無尤君子是則長受嘉福

需 日宋校本毛本作 睎足動喜如其願舉家蒙寵

訟 罷別本 馬上山絕無水泉喉焦唇乾舌不能言

師 倉盈庾億宜稼別本 黍稷國家富有人民蕃息別本

作年豐歲熟 人民安息

比 中夜狗吠盜在墻外神明祐助消散皆去

小 畜 据斗運樞順天無憂別本此下有所 與樂並居

履 空拳握手倒別本 地更起富饒豐衍快樂無已

泰 不風不雨白日皎皎宜出驅馳通理大道

否 載日晶光驂駕六龍祿命徹天封為燕王

同人 子號索哺母行求食反見空巢訾我長息

大有 上帝之生福祐日成修德行惠樂安別本二字 寧

謙 山險難登澗中多石車馳轄擊載重傷軸僭負善

別本 躓跌踈 別本作 右足

豫 禹鑿龍門通利水源東注滄海民得安存

隨 乘龍上天兩蛇為輔湧躍雲中遊觀滄海安樂長

別本作民 處 樂安處

蠱 彭祖九子據德不殆南山松柏長受嘉福



臨 南山昊天刺政閔身疾悲無辜背憎為仇

觀 江河淮海天之奧府眾利所聚可以饒有樂我君

子百福是受

末句別本脫

噬

堅冰黃鳥啼

別本作常

哀悲愁不見甘粒但觀

別本作見藜

蒿數驚鷺鳥為我心憂

賁 室如懸磬既危且殆早見之士依山谷處

剝

大禹戒

宋校本作式

路蚩尤除道周匝萬里不危不殆

見其所使無所不在

復

三人為旅俱歸北海入門上堂拜謁王

別本作主母勞

賜 別本作飲勞 我酒

傳言相誤非干徑路鳴鼓逐狐不知跡處

无妄大畜

三羊爭雌

別本作三年爭妻

相逐奔馳終日不食精氣勞

疲

頤

純服黃裳戴上與

別本作以

興德義既生天下歸仁

大過

桀跖並處人民愁苦擁兵荷糧戰於齊魯

坎

黃鳥來集

宋校本作采葦毛本作來葉今从姜本何本

既嫁不答念我

父兄思復邦國

離

胎生孚乳長息成就充滿帝室家國昌富



咸 三人求橘反得丹穴 別本作大栗 女貴以富黃金百鎰

恒 東山西岳會合俱食百家送從以成恩福

遯 弱 姜本何本作眇毛本作眇 雞無距與鵠交鬪翅折目盲為鳩

所傷

壯大 隙大墻壞蠹衆木折狼虎為政天降罪罰高弑望

夷胡亥以斃

晉 三癡俱走迷路失道惑不知歸反入患口

明夷 弓矢俱張把彈折弦丸發不至道遇害患

人家 三女求夫伺候山隅不見復關 別本二句倒轉 長思歎憂

明夷

別本作憂歎

睽 陽旱炎炎傷害禾穀穡人無食耕夫嘆息

蹇 騎狫逐羊不見所望徑涉虎穴 別本作廬 亡羊 別本作羝 失

羔

解 暗昧冥語相傳誑誤鬼魅所舍誰知臥處

損 姬姜祥淑二人偶食論仁議福以安王室

益 公孫駕驪載聘 宋校本作眇 東齊延陵說產遺季紵衣

夬 孤竹之墟失婦亾夫傷於蒺藜不見少妻東郭棠

姜武氏以亾



姤 仁政不暴鳳凰來舍四時順節民安其處

萃 任劣力薄辱驚恐怯如蝟見鵲不敢拒格

升 衛侯東遊惑於少姬忘我考妣久迷別本不來作逝

困 噂噂所言莫知我垣歡喜堅固可以長安

井 驚別本鳴岐山龜別本應幽別本淵男女媾精萬

物化生文王以成爲周開庭

革 元黃虺隤行者勞疲役夫憔悴踰時不歸

鼎 弱足別跟不利別本出門市賈不利折亾爲患

震 縣貮素餐居非其安失輿剝廬休坐徒居

艮 民怯城惡姦人所伏寇賊大至入我郭別本郭妻作邦

子孚別本獲一本爲歸妹辭

漸 陽低頭陰仰首水爲災傷我足別本進不利難生作寶

子別本作生其子

歸妹 背北相憎心意不同如火與金一本爲艮辭

豐 太微帝室黃帝所值宋校本作宜別本作值古藩

屏周別本作固 衛不可得入常安無患

旅 繭栗犧牲敬享鬼神嗜飲食受福多孫

巽 出門逢患與福別本作爲怨更相擊刺傷我手端



兌 鷓飛中退舉事不進眾別本人亂潰

渙 跛踣相隨日暮牛罷陵遲後旅失利亾雌

節 龍角博顙宋校本作預疑形訛位至公卿世祿久長起動安

寧

中孚 舜升大禹石夷之野徵詣王庭拜理水土

小過 從風放火蕪芝俱死三害集房叔子中傷

既濟 梗生荆山命制輪班袍衣剝脫夏熱冬寒飢餓枯

槁眾宋校本作莫人莫憐

未濟 長面大鼻來解己憂遺吾福子與我惠妻別本無此句

惠吾嘉喜

坤之第二

坤 不風不雨白日皎皎宜出驅馳通利大道

乾 谷風布氣萬物出生萌庶長養華葉茂成別本作盛

屯 蒼龍單獨與石相觸摧折兩角室家不足

蒙 城上有烏姜本作鳥何本毛本作馬自名破家招呼醜毒為國

患災

需 霜降閉戶蟄蟲隱處不見日月與死為伍

訟 天之德室溫仁受福衣裳所在凶惡不起



師 皇陛九重絕不可登未見王公謂天蓋高別本作謂天蓋

高未見王公

比 孔德如玉出於幽谷升高鼓翼別本作飛上喬木鼓其羽翼

輝光照國

小畜 五軌別本作範 四軌復得饒有陳力就列騶虞悅喜

履 四足無角君子所服南征述職以惠我國別本以此林連

上小畜而履下繫敝笱在梁魴逸不禁漁父勞苦連室乾口四句

泰 雷行相逐無有攸息戰於平陸為夷所覆

否 六龍爭極服在下別本作不飾謹慎管鑰結禁毋出

同人 長男少女相向共語此下別本有析薪在尅四字 福祿歡喜

大有 奸別本作遷 延惡人使德不通災姜本作炎 火為殃禾穀大

傷

謙 修其翰翼隨風向北至虞夏國與舜相得年歲大

樂邑無盜賊

豫 鉛刀攻玉堅不可得盡我筋力胝繭為疾

隨 舉被別本作袂 覆日不見日月衣裳簠簋就長夜室

蠱 賊仁別本作人 傷德天怒不福斬刈宗社失其邦域別本

國作

卷之十 損 奸 延 作 祭 路 節 延 作 祭 路 節 延



臨 白龍赤虎戰鬪俱怒蚩尤敗走死於魚口

觀 北辰紫宮衣冠立中含和建德常受天福

嗑 稷為堯使西見王母拜請百福賜我善別本子作嘉

賁 三人異趣反覆迷惑一身五心亂無所得

剝 南山大獲盜我媚妾怯不敢逐退而獨宿

復 眾鬼別本所趨反作光怪九身無頭魂驚魄別本作逐

去不可以居

无 延頸遠望眎別本為目疾不見叔姬使伯心憂病

大 典冊法書藏在蘭臺雖遭亂潰獨不遇災

頤 自衛反魯時不我與冰炭異室仁道隔塞

大 瘤癭禿疥為身瘡害疾病癘殘常不遠逮別本作屬遠

坎 東齊郭盧別本作盧嫁於洛都俊良美好媒利過倍

離 齊魯爭言戰於龍門構怨結別本作連禍三世不安

咸 膏澤肥壤農人豐敞宋校作敵利居長安歷世無患

恒 倉盈庾億宜種黍稷年豐歲熟民得安息

遯 鷓鴣破斧邦人危殆賴其別本作忠德轉禍為福傾

危復立

大 壯 歲飢無年虐政害民乾溪驪山秦楚結寃



晉

捌宋校本作捌姜本何本作捌今从毛本與比之大有合潔累累締結難解

嫫母銜嫁媒不得坐自為身禍

明夷

嘗陬開門鶴鳴彈冠章甫進用舞韶和鸞三人翼事國無災患

人家

弟別本作姊妹合別本作本居與類相扶願慕羣醜不離其

處別本作友

睽

邯鄲反言兄弟別本作父兄生患涉叔別本作此憂恨卒死

不還

蹇

三人逐兔各爭有別本作其得愛亾別本作妾善走多獲鹿

別本  
作其子

解

北辰紫宮衣冠立中含和建德常受天福

損

拜跪請免不得其哺俛首銜枚低頭北去

益

鶴盜我珠逃於東隅求之郭墟不見所居

夬

一簧兩舌妄言謬語別本作謀訣三姦成虎曾母投杼

姤

孤獨特處莫與為旅身日勞苦使布五穀陰陽順

序別本作伯虎仲熊德義洵美使布五穀陰陽順序

萃

褰衣涉河澗流浚多賴遇舟子濟脫無他

升

憑河登山道路阻難求事少便



困 免置之容不失其恭和謙致樂君子攸同

井 三女求夫伺候山隅不見復關泣涕漣如

革 螟蟲為賊害我五穀中雷別本作 簞筍 空虛家無所食

鼎 望尚阿衡太宰周公藩屏輔弼福祿來同

震 三牛姜本何本作三 年毛本作三牛 生狗以戌為母姜本何本作 以成戌母毛

艮 塗過本為 荆夷上侵姬伯出走 作其

艮 道塞求事不得別本 作同

漸 探懷得蚤所愿失道無有凶憂宋校本二 句倒轉 善居漸

好

歸 飛樓屬別本作 道趾多擾垣居之不安覆厭為患 蟻遇

豐 義不勝情以欲自傾幾危利寵折角摧頸

旅 潼滂蔚蒼扶首來會津液來別本 降流淹 別本 滂 作下 作濼

需

巽 白駒生芻猗猗盛姝赫喧君子樂以忘憂

兌 車馳人趨卷甲相仇齊魯寇戰敗於犬邱

渙 舉首望城不見子貞使我悔生

節 龍鬪時門失理傷賢內畔外別本 賊則生禍難 作生

中 孚 安如泰山福喜別本 作 屢臻雖有豺虎不致 別本 作敢

扶與膚同  
寸字按之  
恒以



危身

初憂後喜與福為市人僧列陳飲御嘉友

持刀操肉對酒不食夫行從軍小別本子入獄抱

膝獨宿

陰衰老極陽建其德履離載別本光天下昭明功

業不長蝦蟆代毛本王

屯之第三

屯 兵征大宛北出玉關與胡寇戰平城道西七日絕

糧身幾不全

乾 汎汎柏舟流行不休耿耿寤寐心懷大憂仁不逢

時復隱窮居

坤 採薪得麟大命隕顛豪雄爭名天下四分

蒙 山崩谷絕天別本福盡竭涇渭失紀玉歷盡已

需 夏臺姜里湯文別本所厄鬼侯輸賄宋校本商

王解舍別本詭合古舍釋通

訟 泥津汙辱棄捐溝瀆所共笑哭終不顯錄

師 李梅冬實國多盜賊擾亂並作君不能別本息

比 獐鹿逐牧飽歸其居反還次舍無有疾故

復宜依成之  
大是改

陰子休願  
之師改



小畜 夾河為婚期至無船遂淫心失望不見所歡

履 百足俱行相輔為強三聖翼事王室寵光

泰 坐位失處不能自居賊破王邑別本作調攝違和陰陽顛

倒

否 登几上輿駕駟南遊合從散橫燕齊別本作秦以強

同人 三孫別本作系維弩無益於輔城弱不守邦別本作郭君受

討

大有 河伯大呼津不得渡船空無人往來亦難

謙 甘露醴泉太平機關仁德感應歲樂民安

豫 重茵厚席循臯採藿雖躓不懼反復別本作後反其宅

別本注一作猿墮高木痺跛手足保我金玉還歸其室

隨 太乙駕騶從天上來徵我叔季封為魯侯別本此下有無

有凶憂四字

蠱 南巴六安石斛戟天所指不已耄老復丁敝室舊

別本作南巴六安石斛戟天已老復墟更為新家一將耄乃嫁墟敝室舊更為新家

臨 家給人足頌聲並作四夷賓服干戈翰閣一作觀卦

觀 東隣嫁女為王妃后莊公築館以尊王別本作主母歸

於京師季姜悅喜一作臨卦



噬嗑

陳妻別本作媯敬仲兆興齊姜營邱是適八世大昌

賁

路多枳棘步刺我足不利旅客為心作毒

剝

天官列宿五神共舍宮闕光堅別本作五神室君屋空門完堅

安其居

復

牧羊稻園聞虎呻喧懼畏惕息終無別本作免禍患

无妄

鳴條之圖別本作災北奔犬胡左袵為長國號匈奴主

君旄頭立尊單于

大畜

尅身潔己逢禹巡狩錫我元圭拜受福別本作錫佑

頤

冬華不實國多盜賊疾病難醫鬼哭其室

大過

襄送季女至於蕩道齊子旦夕留連久處

坎

朽根倒樹花葉落去卒逢火焱隨風偃仆

離

陰變為陽女化作男治道得通君臣相承

咸

炎絕續光火滅復明簡易理得以別本作仍成乾功

恒

多載重負捐棄於野予別本作王母誰子但自勞苦

遯

江河海澤眾利安宅可以富有飲御嘉客

大壯

冬採薇蘭地凍堅坼利走室別本作東北暮無所得

晉

鳥鳴別本作鵲嘻嘻天火將起燔我室屋災及姬別本作如

后



明夷人

蠱室蜂戶螫我手足不可進取為身害速

崔嵬北嶽天神貴客温仁正直主布恩德開示不

己毛本作開衣不見蒙受大福

睽

伯蹇叔盲莫與守牀

別本作收失我衣裘伐民除鄉別本

作伐己除服

蹇

為季求婦家在東海水長無船不見所歡

解

山陵邱墓魂魄失舍精神盡竭長寢不覺

損

踦牛失角下山傷軸失其利祿

此下別本有過在誰孰一句

益

水戴船舟無根以浮往來溶溶心勞且憂

夬

有鳥來飛集于古樹鳴聲可惡主將出去

姤

東徙不時觸患離憂并泥無濡思叔舊居

萃

黃帝所生伏羲之宇兵刃不至利以居止

升

東山救亂處婦思夫勞我君子役無休已

別本作役使休

止

困

跛躓未起先

別本作知

利後市不得鹿子

井

大虵當路使季

別本作我

畏懼湯火之災切近我膚賴

其天幸趨於王

別本作主廬

革

從容長閒遊戲南山拜祠禱神神使

宋校本無患二字倒



一作震卦

鼎

區脫康居慕義

別本仁作

入朝湛露之歡三爵畢恩復

歸野廬與母相扶

別本候作

震

龜鼈列市河海饒有長錢善賈商李

別本李作

悅喜一作

革卦

艮

年常蒙慶今歲受福三夫

別本伏作

採葩

別本芭作

出必有

得

漸

二人俱東道路爭訟意乖不同使君惴惴

別本作使我凶凶

歸妹

樹我

別本裁作

藿苳鹿兔為

別本為字在鹿字上

食君不恤

別本慎作

護秋無收入

豐

黃鳥悲鳴愁不見星困於鷺鳥

別本無鳥字

使我心驚

宋校本作鷓使我驚

旅

雙鳧俱飛欲歸稻食

別本池作

經涉萑澤為矢所射傷

我胃臆

巽

久客無依

別本休作

思歸我

別本故作

鄉雷

別本霖作

雨盛溢道

未得通

兌

道路僻除南至東遼衛子善辭使國無憂

渙

同枕同

別本共作

袍中年分去價少無利

宋校本作中年相知少賈



夫無獨居愁思

節 衆神集聚相與議語南國虐亂百姓愁苦與師征

討更立賢主

中孚 北陸閉蟄隱伏不出目盲耳聾道路不通

過 癡狂妄作心誑善惑迷行失路不知南北

既濟 棟隆輔強寵貴日光福善並作樂以高明

未濟 愛我嬰女牽衣不與冀幸高貴反曰賤下

蒙之第四

蒙 何草不黃至未盡元室家分離悲愁於心

乾 海為水王聰聖且明百流歸德無有叛逆常饒優

足

坤 天之所有一別本禍不過家左輔右弼金玉滿堂別本

作常盈不亾富如敖倉

屯 安息康居異國穹廬非吾習俗使我心憂

需 范公鷗別本夷善賈飾資東之營邱易字子皮把

珠載金多得別本利歸

訟 老楊日衰條多枯枝爵級不進日下別本進作造

摧墮



師

小狐渡水汚

別本作汗

濡其尾利得無幾

姜本何本作稍得其幾毛

本稍作科

與道合契

別本作符

比

豕生魚

別本作如

魴鼠舞庭堂奸佞施毒上下昏荒君

失其邦

宋校本作國

小畜

天地配享六位光明陰陽順序以成和平

別本作厥功

履

蹀躞足傷右指病癰失旅後時利走不來

別本作利不走

歸

泰

異體殊患

別本作思體同恩

各有所屬西隣孤媪欲寄我

室王

別本作主

母罵詈求不可得

別本作求子不得

否

操秬

別本作麴

鄉畝祈貸

宋校本作折貨

稷黍飲食充申安利

別本無咎

同人

所受大喜

別本作新受大寵

福祿重來樂且日富蒙慶得

財

大有

舉盃飲酒無益温寒指直

別本作宜

失取

此二句別本倒

亾利

不懽

謙

日月相望光明盛昌三聖茂功仁德大隆

豫

猾夫爭強民去其鄉公孫叔子戰於蕭相

別本作城南

隨

猿墮高木不踈手足還歸其室保我金玉

此二句別本倒

改



金玉二字  
作全生

蠱 逐狐東山水過我前深不可涉失利後便

臨 鑿井求玉非卞氏寶名困身辱勞無所得

觀 黃玉温厚別本作德君子所服甘露溽暑萬物生茂

噬 畫龍頭頸文章不成甘言善別本作美語說辭無名

賁 招禍致凶來弊我邦病在手足不得安息

剝 履位乘勢靡有絕斃替為隸圉與眾庶伍

復 獐鹿雉兔羣聚東圃盧黃白脊俱往趨逐九辭十

得君子有喜

无 織金太平御覽引作帛未成緯畫無名長子逐兔鹿起失

路別本起失作失先太平御覽引與宋校本合見利不得因無所據末句

無別本

大畜 天厭周德命與仁國以禮靖民兵革休息

頤 重譯賀之姜本何本作置之毛本作買芝來除我憂善說遂良與

喜相求

大過 膏澤肥壤人民孔別本作安樂宜利俱止長安富貴別本

存作

坎 白龍黑虎起鬣姜本何本作鬣毛本作伏暴怒戰於涿鹿別本作阪

字人黃說存  
作泥房計  
葉作補存



泉 蚩尤敗走居止不殆君安其所

離 抱關傳語聾跛摧殆別本眾賤無下災殃所在別本

下二句作破賊無災不安其所

咸 憂禍解除喜至慶來坐立歡門與樂為鄰

恒 折鋒載爰輿馬放休狩軍依別本營天下安寧作褒

遯 至德之君仁政且溫伊呂股肱國富民別本安作長

壯大 千里望城不見山青老兔蝦蟆遠絕無家

晉 有莘季女為夏妃后貴夫壽子母字別本四海作于

夷明 不虞之患禍至無門奄忽暴卒痛傷我心

人家 飛鷹退去不食鄰鳥別本作雉雞憂患解除別本作心解君

主安居

睽 踣蹉側跌申酉為崇姜本何亥戌別本二字倒滅明顏

子隱藏

蹇 司錄憑怒謀議無道商民失政般人乏祀

解 望雞得雉冀別本作雞求馬獲駒大德生少有廖從居

損 切切怛怛別本作切恒恒如將不活黍稷之恩靈輒以

存別本此下有獲生保年四字

益 莫莫輯輯夜作晝匿謀議我資來攻我室空盡我



財幾無以別本食作我

夫 天之所壞不可強支衆口指別本笑雖貴必危作遭

姤 目動睫別本矚喜來加身舉家蒙歡吉利無殃作頰

萃 龜羹芬香染指弗嘗別本作口飢於別本打手子公拂裳

恨饑

升 天福所豐兆如別本飛龍成子別本得志六三以作知

興

困 氓伯以婚抱布自媒棄禮急情卒罹悔憂

井 夏姬別本親附心聽悅喜利以搏別本取無言不作姤

許

革 南山昊別本天刺政閔身疾悲無辜背憎爲仇作

艮

鼎 三人爲旅俱歸北海入門上堂拜謁王母勞賜我

酒懽樂無疆末句別

震 愆別本淫早疾傷害稼穡喪刈病來農人無食作

井

艮 攬飯把肉以就口食所往必得無有虛乏一作

漸 鳥飛無翼兔走折足雖欲會同未得所欲別本作



歸妹

體重飛難不得踰關

此下別本有行坐憂愁四字

不離室垣

豐

四雄並處人民愁苦擁兵西東不得安所

旅

譯重關牢求解已憂心感乃成與喜

別本作善俱居

巽

患解憂除王母相於

別本作與

與喜俱來使我安居

兌

冬生不華老女無家霜冷蓬室更為枯株

渙

震慄恐懼多所畏惡行道留難不可以步

節

三人

別本作夫

其妻莫適為雌子無名氏公

別本作翁

不可

知

中孚

草

別本作早

凋被霜花葉不長非時為灾家受其殃

小過

雉兔之東狼虎所從

別本作食

貪饕凶惡不可止息

未濟

馬驚破車主

別本作王

墮深溝身死魂去離其室廬

未濟

山林麓藪非

別本作兆太平御覽引作非與宋校本合

人所往鳥獸無

禮使我心苦

需之第五

需

久旱三年草木不生粢盛空乏無以供靈

乾

火滅復息君明其德仁人可遇身受利福

別本作祿

坤

温山松柏常茂不落鸞鳳所庇得其歡樂

屯

西

別本作四

誅不服恃強負力倍道趨敵師徒敗覆



蒙 三塗五岳陽城太室神明所伏別本作獨無兵革

訟 三牛生狗以戌為母注見坤之震 荆夷上侵姬伯出走

師 鳧遊江海沒宋林本作役 行千里以為死亾復見空桑

別本長主凶憂 別本作長 生樂鄉

比 太乙駕騶從天上來徵君叔季封為魯侯別本此下有無

有凶憂 四字

畜小 紆績別本作任宿 獨居寡處無夫陰陽失念別本為人

僕使

履 兵征大宛北出玉門與胡寇戰平城道西七日絕

糧身幾不全

秦 楚靈暴虐罷極民力禍起乾溪棄疾作毒扶仗別本

作杖古 杖仗通 奔逃身死亥毛本作室

否 雌單獨居歸其本巢毛羽憔悴志如死灰

兩矛相刺勇力鈞敵交綏結和不破不缺

同人大 乘船濟渡載水逢火賴行免禍蒙我生全

謙 喪寵溢尤政傾家覆我宗失國秦滅周室

豫 冬無我冰春陽別本作江 不通陰流為賊國被其殃

隨 田鼠野雞意常欲逃拘制籠檻不得動搖



身本卷一  
蠱 佩玉藥兮無所繫之旨酒一盛莫與笑語孤寡獨  
特常愁憂苦

臨 沒游源口求鮫爲寶家危自懼復出生道

觀 河水孔穴壞敗我室水深無岸魚鼈傾側

噓 教羊牧 太平御覽引作逐 兔使魚捕鼠任非其人費日無

功

賁 升戶入室就温燠 別本作煖 食冰凍北陸不能相賊 別本

作寒不得賊

剝 孤竹之墟老 別本作失 婦亾夫傷於蒺藜不見少妻東

郭棠姜武氏破亾

復 凶禍灾殃日益明彰福不可釐三卻夷傷

无妄 載璧秉珪請命于河周公作誓 別本作克敏 冲人瘳愈

大畜 鳥升 別本作鳥飛 鵲舉照臨東海龙降庭堅爲陶叔後

封圻英六履祿綏厚 別本作圭析英 雄履福綏厚

頤 危坐至暮請求不得膏澤不降政疾民忒 別本作忒

大過 宜昌娶婦東家歌舞宴樂有序長樂 別本作嘉喜

坎 鑿井求玉非卞氏寶名困身辱勞無所得

離 鵠思其雄欲隨鳳東順理羽翼出次須 別本須字 在日中下



日中留北邑復反其室

咸 早霜晚雪傷害禾麥損功棄力飢無所食

恒 蝸別本螺生子深目黑醜雖飾相就衆人莫取

遯 去如飛鴻避凶直東遂得全脫與福相逢

壯大 婚姻合配同枕共牢以降休嘉子孫封侯

晉 咸陽辰巳長安戌亥邱陵生止非魚鱸市不可辭

別本阻終無悔咎

螟蟲為賊害我五穀別本空虛家無所食

蒙恩拜德東歸吾國慷慨宴笑歡樂有福

睽 齋貝贖狸不聽我辭係於虎鬚牽不得來

蹇 比日附翼歡樂相得行止集周別本終不離忒

解 一指食肉口無所得染其鼎鼐舌饒於腹

損 曳綸汀洲釣掛魴鯉王別本作公太平御覽引作王與宋校本合孫得

利以享仲友

益 商紂牧野顛敗所在賦斂重數黎元愁苦

夬 北辰紫宮衣冠立中含和建宋校本何本毛本皆

之觀履德常受天福

姤 輕戰尚勇不知兵權為敵所制從別本師北奔



萃 大口宣舌神使伸宋校本言黃龍景星出應德門

與福上天別本天下安昌作堂

升 凶子禍孫把劍向門凶舊注一訟謹囂驚駭我家作爭

困 祝伯善言能事鬼神辭祈萬歲使君延年

井 珪璧琮璋執贄見王百里甯戚應聘齊秦

革 昧且乘車履危蹈溝亾失裙襦摧折兩軸

鼎 膠着木連姜本何本作通不出牛欄斯饗羔羊家毛本作未通

室相安

震 卷領別本遁世仁德不舍三聖攸同周家茂興作舌

艮 黍稷苗稻別本作禾稼垂秀方造中旱不雨傷風枯槁

漸 冠帶南遊與福喜逢別本期於嘉貞別本期作邀貞作徵拜

為公卿

歸妹 一巢九子同公共母柔順利貞出入不殆福祿所

在

豐 韓氏長女嫁於東海宜家富主柔順以居利得過

倍按別本嫁於東海句下作多貌

旅 因禍受福喜盈我室別本此下有先所願必得人後已四字

巽 晉平有疾迎醫秦國病乃大患分為兩豎逃匿膏

卷之隨不舍  
作不善



育和不能愈別本作逃匿育上伏於膏下和不能愈

兌 牡飛門啓患憂大解去老乘馬別本作修福行善 不為身

禍

渙 追亾逐北至止而得稚叔相呼別本作呼還稚叔至止而得 反

其室廬

節 鳥鳴葭宋校本毛本皆作端一呼三顛動搖東西既今从姜本何本

危慄不安疾病無患

中孚 龍化為虎泰山之陽衆多從者莫敢救藏

過小 風忽起車馳揭揭別本作竭竭 棄名追亾失其和節

憂心惓惓

既濟未濟 遊居石門祿安身全受福西鄰歸飲玉泉

登高上山見王自言申理我讒別本作寃 得職蒙恩

訟之第六

訟 文巧俗姜本毛本作信 弊將反大質僵死如麻流血濡植

姜本何本濡作漂毛本作漂杵 皆知其母不識其父干戈乃止

乾 文王四乳仁愛篤厚子畜十男夭折無有

坤 日入望東別本作車 不見子家長女無夫左手搔頭

屯 東上泰山見堯自言申理我寃以解憂患



蒙 奎軫温別本湯過角宿房宣時布和無所不通

需 引船別本牽頭別本雖狗別本無憂王母善禱禍作懼

不成災

師 鳧得水沒喜笑自啄毛羽悅澤利以攻玉公出不

復伯姜本作桓何氏客別本宿作容

比 水流趨下欲至東海求我所有買魴與鯉

小 獐鹿逐牧安飽其居反還次舍無有別本疾故作乃

履 樹植藿豆不得芸鋤王事靡盬秋無所別本收作人

泰 弱水之西有西王母生不知死別本與天相保別本

此下有行者危殆  
利居善喜八字

否 數窮廓落困於歷室卒別本登玉堂與堯侑食作幸

同人 子鉏執麟春秋作經何本姜本作陰宋校本陰元元二字倒轉此从毛本

聖將終尼父悲心

大有 尹氏伯奇父子生離無罪被辜長舌所為

謙 播木按史記當折枝按尚書當與母別離九臯難作蟠木

扣別本絕不相知作和

豫 弱別本雞無距與鵲格鬪翅折目盲為鳩所傷別本

此下有復歸野廬  
與母相扶八字



隨 甲乙丙丁俱歸我庭三丑六子入門見母

蠱 桑葉螟蠹衣做如絡女工不成絲布為玉

臨 開牢闢門巡狩釋寬夏臺羨里湯文悅喜

觀 欽明之德坐前玉食必保嘉美別本長受安福

嗑 武夫司空多口爭訟金火當戶民不安處年飢無

有

賈 紫閣別本九重尊嚴在中黃帝堯舜履行至公冠

帶垂衣天下康寧

剝 負牛上山力劣行難姜本毛本劣作力行烈風雨雪

字子佛以之  
元之改

遮遏我前中道復還憂者回歡

復 蹇兔缺唇行難齒寒口痛不言為身生患

无 合體比翼嘉耦相得與君同好使我有福

畜 口啄卒卒別本作憤憂從中出喪我寶貝妻別本

妾失位

頤 兩心不同或從西東明論終日莫適相別本從

大 啞啞笑言與善別本飲食長樂行觴千秋起舞拜

受大福

坎 初憂後喜與福為市八佾列陳飲御諸友



離 西徙無家破其新車王孫失利不如止居

咸 鳳凰在左麒麟處右仁聖相遇伊呂集聚時無殃

咎福為我母

恒 區脫康居慕仁入朝湛露之歡三爵畢恩復歸舊

廬

遯 疾貧望幸使伯行販別本下有賈關別本牢擇羊

多別本作喜得大牂毛本作天祥

壯大 處高不傷雖危不亾握珠懷玉還歸其鄉

晉 右手棄酒左手收梓宋校本作牧牂姜本何行逢

禮御餌得別本作德玉杯

養虎牧狼還自賊傷大勇小捷雖危不亾

明夷 戴堯扶禹松喬彭祖西遇王母道路夷易無敢難

者

睽 秋冬採巢不得鵲鷓銜指北去媿別本作慙我少姬

蹇 兩羝三牂別本作羊俱之代別本作我鄉留連多難損其食

糧

解 南徙無廬鳥破其巢伐木思初別本作切不利動搖

損 爭訟不已更相擊劍別本作牽擊張季弱口被髮北走



益 延頸望酒不入我口初喜後否得利別本二字倒無有

夫 被髮傾走寇逐我後亾失刀兵身全不傷

姤 麟鳳所遊安樂無憂君子撫民世代千秋未二句別本無

萃 褰衣涉河水深漬別本作請罷賴幸舟子濟脫無他

升 憤憤不悅別本作脫憂從中出喪我金罍无妄失位

困 絆別本作解跳不遠心與言反尼父望家別本作妄行荀齒

未華

井 大牀肥特惠我諸舅內外和睦不憂飢渴

革 黃帝建元文德在手姜本何本作身祿若陽春封為魯君

鼎 虎聚磨牙以待豚猪往必傷亾宜利止居別本注一作虎厲其牙以待犬猪往必傷殘摧敗無餘利以止居

震 天地配享六位光明陰陽順序以成別本有厥功天下四字

和平

艮 猿墮高木不踈手足還歸其室保我金玉別本此二句倒

漸 營室紫宮堅不可攻明神建德君受大福

歸 孤翁寡婦獨宿悲苦目張耳鳴無與笑語

豐 低頭竊視有所畏避行者不利別本作至酒酸魚敗衆

莫貪嗜



旅 載金取狗利棄我走藏匿淵底悔折為咎

與 行觸大忌別本與司命悟執囚束縛拘姜本何本

作制於吏別本下有憂人有喜四字

兌 執玉歡喜佩之解變危詳及安使我無患

渙 機杼紛別本擾女功不成長妹毛本許嫁衣無襦作女

務聞禍不成凶惡消去

節 金人鐵距火燒左右雖懼不恐獨得全處

中孚 謝恩拜德東歸吾別本國舞蹈欣躍歡樂受福

過小 青牛白咽呼我俱田歷山之下可以多耕歲樂時

節民人安寧

既濟 白雉羣雉慕德朝貢別本湛露之恩使我得權

未濟 避患東西反入禍門糟糠不足憂愁我心

師之第七

師 鳥鳴呼子哺以酒脯高樓之處子來歸母穉人成

功年歲大有姤婦無子

乾 一簧兩舌佞言諂語三姦成虎宋校本作市曾母

投杼

坤 春桃生花季女宜家受福且多在師中吉男為封



別本君  
作邦

屯 殊類異路心不相慕牝牛牡猴獨無室家

蒙 折葉閉目不見稚叔三足孤鳥遠其元夫

需 雀東求粒誤入岡域賴逢君子脫復歸息

訟 王孫季子相與孝友明允篤誠升擢薦舉為國幹

別本輔  
作藩

比 削樹別本無枝與子分離飢寒莫食獨泣別本哀  
作立

悲

小畜 舜升大禹石夷之野徵詣玉闕拜治宋校本作理  
疑仍唐諱

水土

履 義不勝情以欲自營見利危寵滅君令名

泰 三人北行六位光明道逢淑女與我驥子

否 羿張烏號殼射天狼柱國雄勇鬪死滎陽

同人 季姬踟躕結衿待時終日至暮百兩不來

大有 鴻鴈翩翩始怨別本勞苦災疫病民鰥寡愁憂

謙 穿胷狗邦僵離旁春天地易紀日月更始

豫 北山有棗使叔壽考東嶺多栗直行賈市陸梁雌

雉姜本何  
本作雉 所至利喜



隨 干旄旌旗執幟在郊雖有寶玉別本無路致之

蠱 精潔淵塞為讒所言證訊詰請繫於枳温甘棠聽

斷怡然蒙恩

臨 元黃虺隤行者勞罷役夫憔悴踰時不歸

觀 膚敏之德發憤忘食虜豹禽說毛本作越別本此下有為王求福四

宰以成主德

嗑 采唐沫鄉要我桑中失信不會憂思約帶

賁 伯寧子福惠我邦國蠲除苛殘使季無患

剝 讒父佞雄賊亂邦國生離宋校本忠孝敗恩別本作困

不福

復 淵泉隄防水道通利順注湖海邦國富有

无 妾 江南毛本作旁多蝮螫我手足寃繁詰屈痛徹心腹

大 畜 三人俱行別離獨食別本一身五心反覆迷惑亂

無所得

頤 鴉別本鳴庭中以戒災凶重門擊柝備不速客

大 過 功成事就拱手安居立德有言坐飾別本作飾通貢

賦

坎 國亂不安兵革為患掠我妻子家中飢寒



離 戴堯扶禹松喬彭祖西遇王母道路夷易無敢難者

咸 長尾委蛇畫地成河深不可涉絕無以比何本毛本作北

惆悵會息末句別本作惆然噴思

恒 乘龍從蜺徵詣北闕乃見宣室拜守東城毛本鎮作城

慰黎元舉家蒙福

遯 土與山連終身無患天地高明萬歲長安

壯大 久旱水涸枯槁無澤虛修其德未有所獲

晉 依天別本作山倚地凶危不至上清下淨別木作降大福大

明四字別本無君受其利

明 夷 火烈不去必殪僵仆燔我衣裾禍不可悔

家 人 配合相迎利之四鄉欣喜與懌所言得當

睽 清人高子久屯外野逍遙不歸思我慈母

蹇 武庫軍府甲兵所聚非里邑居不可舍止

解 三德五材和合四時陰陽順序國無咎災

損 解衣毛羽飛入大都晨門戒守鄭忽失家

益 削根燒株不生肌膚病在心腹日以焦枯

夬 文山紫芝雍梁朱草生長和氣福祿來處



姤 多載重負捐弃于野子母誰子 別本作小在但自其大四字

勞苦

萃 鳧雁啞啞以水為家雌雄相和心志娛樂得其歡

欲

升 耳目盲聾所言不通佇立以泣事無成功

困 天宮列宿五神所舍宮闕堅固君安其居

井 范子妙材戮辱傷膚然後相國封為應侯

革 秋冬探巢不得鵲鷦銜指北去慙我少夫

鼎 子畏於匡厄困陳蔡德行不危竟脫厄害

震 鴻飛在陸公出不復仲氏任只伯氏客宿

艮 鶴鳴九臯避世隱居抱朴守真竟不隨時 隨時別本作相隨

漸 舜升大禹石夷之野徵詣玉闕拜治水土

歸妹 左輔右弼金玉滿堂 別本常盈不亾富如敖倉

豐 崔嵬北岳天神貴客衣冠不已蒙被恩德

旅 空槽注 別本猪獷別本彘不到張弓視雞雄父別本作住作狔

作鳩飛去

祝子依後

巽 胡蠻戎狄犬陰所積涸冰凍寒君子不存



兌 甘露醴泉太平機關仁德感應歲樂民安

渙 惡來呼伯慎別本驚外客甲守閉宅姜本何本作中守閉宅毛

本作中以備凶急別本臨折之憂雖滅無災

節 日月相望光明盛昌三聖茂功仁德大隆

中 孚 葛藟蒙棘華不得實讒佞亂政使恩壅塞

鄰不我顧而望玉女身多癩疾誰肯媚別本者

既 濟 精誠所在神為之輔德教尚忠別本彌世長久三

聖尚功別本作多受福祉

未 濟 鑽木取火掘地索泉主母飢渴手為心禍別本手

福作

比之第八

比 鹿得美草嗚呼其友九族和睦不憂飢乏長子入

獄霜降族哭末二句

乾 繼祖復宗追明朋別本成康光照萬國享世久長

坤 麟子鳳鷁生長家別本國和氣所居康樂無憂邦

多聖別本人

屯 取火別本作泉源釣鱗別本山巔魚不可得火不

肯然

明字係義  
仲改



蒙 彭生為妖毛本 白虎行菑盜堯衣裳桀跖荷兵青

禽照火別本 三日夷傷

需 黍稷醇醴敬奉山宗神嗜飲酒毛本 甘雨嘉降黎

庶蕃殖獨蒙福祉別本 此下有時

訟 李花再實鴻飛別本 降集仁哲權輿蔭國受福

師 千歲之墟大兵所屠不見子都城空無家

小畜 公子王孫把彈別本 攝丸發輒有得室家饒足

履 驪姬讒喜別本 與二嬖謀譖殺其別本 子賊害忠

孝申生以縊重耳奔逃別本

泰 長生無極子孫千億柏柱載青別本 堅固不傾

否 失意懷憂如幽狴牢亾子喪夫附托寄居

同人 仁智隱伏麟不可得龍蛇潛藏虛居堂室

大有 捫絜累累別本 列潔堞堞姜本 列作列 締結難解嫫母銜嫁媒

不得坐自為身禍

謙 蜩別本 飛墜木不毀頭足保我羽翼復歸其室

豫 陳媯敬仲兆興齊姜乃適營邱八世大昌

隨 過時不歸雌雄苦悲徘徊外國與母分離

蠱 齊魯爭言戰於龍門構怨結禍三世不安



臨 府藏之富王以賑貸捕魚河海苟願毛本作多得

觀 鳴鶴北飛下就稻池鱸鮪鰕鯉衆多饒有一符宋校

本訛獲兩利得過倍

嗑 蒼梧鬱林道易利通元龜象齒寶貝南金爲吾福

別本功

賁 兩火爭明雖鬪不傷分離且忍全我弟兄

剝 伯夷叔齊貞廉之師以德防患憂禍不存

復 季去我東髮櫛如蓬展轉空牀內懷憂傷

无 百足俱行相輔爲強三聖翼事王室寵光

大畜 擁遏隄防水不得行火盛陽光陰蜺伏藏退還其

鄉

頤 騰蛇乘龍別本此下有歲年歲飢凶民食草蓬

大過 鉛刀攻玉堅不可得盡我筋力抵爾爲疾宋校本

坎 恒山浦壽別本高邑所別本在陰氣下別本淋洪

水不去牢人開戶

離 比目四翼來安我國福善上堂與我同牀

咸 杜口結舌心中佛鬱去舊患生莫所告寃

恒 牽尾不前逆理失臣忠莫往來四字別惠朔以奔



遯 早霜晚雪傷害禾麥損功棄力飢無所食

壯大 適戍失期患生無聊懼以發憂發 別本 藏閉塞邦 作開

國騷 別本 愁 作窮

晉 昊天白日照臨我國萬民康樂咸賴嘉福

元吉无咎安寧不殆時行則行勿之有悔 末二句 別本無

明夷 懿公淺愚不深受謀 別本作諫按芥隱筆 記引與宋校本合 無援失

國為狄所賊

睽 城上有烏自號破家呼喚鳩毒為國患災

蹇 長股喜走趨步千里王良善御 別本 伯樂在道申 作喜

疑作 見王母 別本伯樂在道句下作 申生見母下有由子

解 耕石山巔費種家貧無聊處 別本 作苗髮不生 作虛

損 二人異路東趨西步千里之行不相知處

益 純服黃 別本 裳載土 別本 以興德義茂生天下歸 作素 作主

仁

夬 五銑 別本作 玉銑 鐵頤 別本 倉庫空虛賈市無 別本 盈 作爲

與利為仇

姤 登崑崙入天門過糟邱宿玉泉同 別本 惠觀見仁 作開

君



萃 團團白日為月所食損上毀下鄭昭走出

升 倉盈庾億宜稼黍稷年歲有息別本作年國家富

有

困 虎狼結謀相聚為保何嚙別本作思嚼牛羊道絕不通

傷我商人

井 中宋校本年摧折常恐不活老賴福慶光榮相輔

革 同載共車中道分去喪我元夫獨為孤甚居

鼎 飲酒醉酗跳躍別本作距跳爭鬪伯傷叔僵東家治喪

震 出值凶災逢五赤頭跳言死格別本作無祐扶杖伏聽

不敢動搖

艮 狼虎爭強禮義不行兼吞其國齊晉無王宋校本

漸 南國少子方畧美好求我長女薄賤不與反得醜

惡後乃大悔

歸 妹 一身兩頭莫適其軀無見我心亂不可治宋校本

作亂不可治孰為湯漢

豐 李耳彙按彙即蝟字鵲更相恐怯偃余別本作以

腹不能距別本作舉格

旅 松柏別本作柏桂棟梁相輔為強八哲別本作入敷五教王



室寧康

巽

雀行求食暮歸孚

別本作呼

乳反其屋室安寧如故

兌

四尾六頭為凶作妖陰不奉陽上失其明

渙

一衣

別本作旅

三闕

別本作闕

結緝不便歧道異路日暮不

到

節

牙蘗生齒室堂

宋校本作當

啓戶幽人利貞鼓翼起舞

中孚

春鴻飛東以馬質

別本作貨

金利得十倍重載歸鄉

小過

歡悅以喜子孫俱在守發

別本作強

能忍不見殃咎

既濟

精神消落形骸醜惡齟齬

宋校本作齟齬

頓挫枯槁腐蠹

未濟

登高上山見王自言申理我寃得職蒙恩

小畜之第九

小畜

白鳥銜餌嗚呼其子幹枝

姜本何本作旋技毛本作施披

張翹來

從其母伯仲叔季尤

別本作元

賀舉手

乾

東遇虎虵

宋校本作地

牛馬奔驚道絕不通商

宋校本作南

困無功

坤

子鉏執麟春秋作經元聖將終尼父悲心

別本作子鉏獲

麟庶士開元英雄爭名都邑倍遊

屯

取火泉源釣魚山巔魚不可得火不肯然



蒙 機關不便不得出言精誠不通為人所寬

需 故室舊廬稍弊且除別本作稍不如新巢可以樂

居

訟 蛟蛇循流東求姜本作水大魚預且舉網庖人歌

謳

師 鑿山通道南至嘉國周公祝祖襄適荆楚

比 鵲足宋校本却縮不見頭日日以別本困急不能

自復

履 五舌啄難各自有言異國殊俗使心迷惑所求不

得

泰 天門開闢牢戶寥廓桎梏解脫拘囚縱釋

否 堅冰黃鳥常別本哀悲愁數驚鷺鳥別本雛別本飄

為我憂

同人 日走月步趣不同舍夫妻反目主君失居

大有 金牙鐵齒西王母子無有禍何本殃扶別本舍陟

道到別本來不久

謙 式微式微憂禍相半別本隔以岩山室家分散

豫 衆神集聚相與議語南國虐宋校本亂百姓勞苦



孫子以此為  
恒之困改

與師征伐更立賢主

隨

虎狼爭食禮義不行

別本作禮讓不能

兼吞其國齊晉

宋校

本作無王

宋校本

蠱

寄生無根如過浮雲本立不固斯須落去更為枯

樹

臨

子啼索哺母行求食反見空巢嘗我長息

朱校本作長息

警弋毛本作紫戈長息今  
从何本與乾之同人合

觀

駕駟逐狐輪挂荆棘車不結轍公子無得

噬

方喙

宋校本姜本何本  
作喙今从毛本

廣口仁智聖厚釋解倒懸

唐國太安

賁

駕福乘喜來

別本至家  
別本國戴慶南行離我安

居

別本作移  
居安宅

剝

孔鯉伯魚北至高奴木馬金車駕遊大都王母送

我駮牝字駒

復

三足無頭不知所之心狂精傷莫使為明不見日

光

无

駮牝龍身目馭三千南止蒼梧與福為婚道里夷

易安全無忌

何本  
作惠

恒之困改



大音 辰次降婁王駕巡時別本作詩廣佑施惠安國無憂別本

此下有望季不來四字

頤 望幸別本作車不到文章未就四字別本無王子逐走馬騎

銜傷眈別本作失迹不得曷其有常

大過 坎 中原有菽以待饗食飲御諸友所求大得

亂茅縮酒靈巫拜禱神怒不許瘁愁憂苦何本作瘁傷愁

苦姜本毛本瘁傷作瘁盡

離 李華再實鴻飛別本作卵降集仁哲以興蔭國受福

咸 源出陵足行於山趾不為暴害民得安居

恒 客入其門奔走東西童女不織士棄耕畝暴骨干

里歲寒無年別本作歲饑民苦

遯 天之所予福祿常在以永康寧四字別本無不憂危殆

蝗食我稻驅不可去實穗無有但見空藁

晉 牛驥同堂郭氏以亾國破空虛君奔走逃

明夷 狗無前足陰謀其比為身賊害何以安息

家人 兩輪日別本作自轉南上大坂四馬共轅無有重難與

禹笑言鶴鳴竅穴不離其室末二句別本無

睽 芽孽生達陽昌於外左手執籥公言錫爵



蹇 秋花冬萼數被嚴霜甲兵當庭萬物不生雄犬夜

鳴別本作雄民擾大驚

解 霜降閉戶蟄蟲隱處不見日月與死為伍

損 身載百里功加四海為文開基武立大別本作天柱

益 禹作神鼎伯益銜指斧斤高閣幢位別本作立獨坐賣

庸不售苦困為禍別本庸作賈苦

夬 福祚之家別本作聚喜至憂除如風兼雨出車入魚別本

作如魚逢水

姤 蒼龍隱伏麟鳳遠匿寇來別本作賊同處未得安息

萃 旦別本作朝生夕死名曰嬰鬼不可得視別本作祀

卦

升 白鶴銜珠夜食為別本作待明懷安德音身受光榮別本

此為萃卦

困 行役未已新事復起姬姜勞苦不得休別本作息

井 憂患解除喜至慶來坐立懽忻與樂為鄰

革 晨風文宋校本作之別本作天疑皆形訛今據豫之咸正與爾雅逸周書合翰大舉

就溫昧過我邑羿無所得

鼎 下田稷別本作種黍芳華生別本作當齒大雨集降別本作淋集



紛勞

別本作榮

滿壅

宋校本作獲

震

君子碌碌鳥庇茂木見春百穀心勞願德

別本作鳥庇茂

林君子碌碌心樂願得見者有穀

艮

折臂踈足不能進酒祠祀闕曠神怒不喜

漸

學靈三年聖且神明光見善祥吉喜福慶鳴鳩飛

來告我無憂

別本注一作鹿鳴鴻飛鳴見善祥

歸妹

三婦同夫志不相思心懷不平志常愁悲

豐

中田膏

別本作高

黍以享王母受福千億所求大得

旅

陽火不災喜至慶來降福送喜鼓琴歌謳

別本作陽火不

憂二耕喜至慶來降福為我鼓瑟歌謠送喜

兌

陽明不息君無恩德伯氏失利農

別本作民

喪其力

巽

燕雀銜茅以生孚乳兄弟六人妓

別本作交

好孝悌各

得其願和悅相樂

渙

羈尾奔奔火中成軍號叔出奔下失其君

節

兩人相距止不同舍夫妻離散衛侯失居

中孚

魃為燔

別本作災

虐風吹雲却欲上

別本作止

不得反歸其

宅

小過

關雎淑女配我君子少妻

別本作姜

在門君子嘉喜



既濟未濟

慈母赤子饗賜得士夷狄服降以安王家別本作室

三足孤鳥別本作狐鳴靈鳴督卸毛本作郵思過罰惡自賊

其家

履之第十

履 十鳥俱飛羿射九雌雄得獨全雖驚不危

乾 東嚮藩垣相與笑言子般執鞭圉人作患

坤 循河榜舟旁淮東遊漁父舉網先得大鱸別本作魚

屯 轅折輪破馬倚僕臥後旅先別本作失宿右足跌踈

蒙 兩人相絆俱作伴相與悖別本作僕戾心乖不同爭訟

訟 別本作訟 爭凶凶

需 北辰紫宮衣冠立中含和建德常受天福

訟 遊居石門祿安身別本作祉安全受福西隣歸飲玉泉

師 羊腸九縈相推併前止須王孫乃能上天

比 爭訟相倍和氣不處陰陽俱否穀風母子

小畜 郭叔矩毛本作距頤為棘所拘龍額別本作童顏重顙禍不

成殃復歸其鄉

泰 薑室蜂戶螫我手足不得進止為吾害咎

否 怒非其怨別本作願因物宋校本訛拘有遷貪妬腐鼠而呼

卷之五 履 小畜 人俱解 頤 天



鴟鳶失反被困別本作自令失

同 人 天 有 嬰孩求乳母歸其子黃麀悅喜自樂甘餌末句別本無

謙 有 天 人 同 緘縷勝服別本作徒勞錦繡不成鷹逐雉兔爪折不得

謙 雨潦集降河梁別本作渠不通鄒別本作齊魯閉塞破費市

空

豫 封豕溝瀆水潦空谷客止舍宿別本二字倒泥塗至腹

處無黍稷

隨 三姦相擾桀跖為交友上下騷離隔絕天道

蠱 齊景惑疑為孺子牛嫡庶不明賊孽為患

臨 三羊俱亾走奔別本二字倒南行會暮失迹不知所別本

其藏

觀 請伯行賈代別本作岱山之野夜別本作犯歷險阻不逢危

殆利如澆酒

噬 桑之將落殞其黃葉失勢傾側而無所立

賁 上山求魚入水捕狸別本作兔市非其歸自令久留

剝 名成德就項領不試景公耄老尼父逝去

復 天之奧隅堯舜所居可以保別本作存身為我國家別本

邦國 作保我



无 睢鳩淑女賢聖配耦宜家 壽別本 福吉慶別本 長作善

久別本此 為頤卦

大 畜 兩人俱爭莫能有定心乖不同訟言起凶

頤 涉洧別本 作伯 殉名棄禮誅身成子奔燕別本此為 无妄卦非是

大 過 踰江別本 作河 求橋并得大栗烹羊食肉別本 作炙 飲酒歌

笑

坎 山險難升別本 作行 礪中多石車馳轄擊載重傷軸別本

作重載 折軸 擔負善姜本何本作 喜毛本作差 躓跌踈右足

離 元別本 作允 利孔福神所子畜般樂無苦得其歡欲

咸 鳥鵲食穀張口受哺蒙被恩福長大成就柔順利

貞君臣合好別本 作德

恒 灌滂蔚蒼膚寸來會津液下降流潦滂沛

遯 路多枳棘步刺我足不利旅客為心作毒

大 壯 虺蝮所姜本 作來 聚難以居處毒螫痛甚瘡不可愈

晉 麟鳳相隨觀察安危東郭別本 作國 聖人后稷周公共

和政令四字別 本無 君子攸同利以居止長無憂別本 作災

凶

明 夷 桀宋校本 作桀 亂不時使民恨憂立別本 作六 祉為笑君危



臣羞宋校本作騷

人家黃帝所生伏羲之宇兵刃不至利以居止

睽雀行求食暮歸屋宿姜本何本作呼反其室舍安

寧無別本作如故

蹇太倉積穀天下饒食陰陽調和年歲時熟

解千旄旌旗執幟在郊雖有寶玉無路致之

損履機別本作危蹈顛墜入寒別本作泉淵行別本作蹇不能前足

踈不便

益銜命止車合和兩家蛾眉皓齒二國不殆宋校本作率殭

夬吉日車攻田弋獲禽宣王飲酒以告嘉別本作家功

姤金帛貴寶宋校本作重伯黃寶宜以別本作與古以與通我市嫁娶有

恩利得過母別本作得利過倍

萃延頸望酒不入我口深以自喜得利別本二字倒無有

升牧爲代守饗食甘賜得吏士意戰大破胡長安國

家

困日出温谷臨照別本二字倒萬國高明淑仁別本作人虞夏

配合

井逐兔索烏破我弓車日暮不及失利後時



革 譌言妄語傳相註誤道左失迹不知所別本處

鼎 履虎躡蛇別本 貶損我威君子失車去其國家

震 本根不固花葉別本作 落去更為孤嫗不得相視

宋校本

良 五軛四軌優得饒有陳力就列騶虞悅喜

漸 黃帝紫雲聖且神明光見福祥告我無殃

歸 五利四福俱田高邑黍稷盛茂多獲藁稻

豐 羣虎入邑求索肉食大人衛守君不失國

旅 烏子鵲雛常與母居願慕羣侶別本 不離別本 其

巢

翼 蹇驢不材駿驥失時筋勞力盡罷於沙邱

兌 元鬣黑顙東歸高鄉朱鳥道引靈龜載莊遂抵天

門見我貞君別本此下有人

渙 探巢得雛鳩鵲來俱別本二 使我欣宋校本 娛

節 安上宜官一日九遷升擢超等牧養常山君臣獲

安 末句別

中 孚 大頭明目宋校本 載受嘉福三雀飛來與祿相得

小 過 遠視千里不見黑子離婁之明无益于光別本作



視移於  
小人

既濟

三女為姦俱遊高園

四字別本無

背夫

宋校本作倍室

夜行與

伯笑言不忍主

別本作王

母失禮酒寃皇天誰告

別本作

失醴酒寃  
夫誰告

未濟

日辰不和

別本作良

強弱相振一鳴兩雛

毛本鳴作鳥姜本何本作

一鳥客勝主人

秦之第十一

泰

求玉

別本作有求

陳國留連東域須我王孫四月來復

主君有德蒙恩受福

乾

伯夷叔齊貞廉之師以德防患憂禍不存

坤

濟深難渡濡我衣袴五子善權脫無他故

屯

倚立相望適得

別本作我

道通驅駕奔馳比日同床

蒙

葛藟蒙棘華不得實讒佞為政使恩壅塞

需

四足無角

別本作四壯兼用

君子所服南征述職與福相

得

別本作同德

訟

蹀踵足

別本作大

傷左

別本作大

指病癰失旅後時利走不

來

師

春城夏國生長之域可以服食保全家國

既濟  
三女為姦  
俱遊高園  
夜行與



比 望驥不來駒蹇為憂雨驚我心風撼我肌

小 久客無牀休思歸我鄉雷雨涌別本盈道不得通作浸

履 方船備水旁河宋校本燃火積善有徵終身無禍作可

此下別本有天福吉 昌永得安康二句

否 陟岵望母役事未已王政靡盬不得相保

同人 多載重負別本二捐棄于野子母誰子但自勞苦字倒

別本下二句作王 母離子思勞自苦

大有 生直地乳上皇大喜賜我福祉受命別受命無極本作壽

算此下別本有 賓于作命四字

謙 翁翁輶輶別本作稍墜宋校本稍墜毛本作墜

崩顛滅我令名長沒不全別本作存

豫 東鄰嫁女為王妃后莊公築館以尊王母歸于京

師季姜悅喜

隨 伯虎仲熊德義淵閔使布五穀別本陰陽順敘作教

蠱 敏捷敬疾別本作敏如猿升木彤弓雖調終不能教勁疾

獲

臨 舉被別本覆目不見日月衣裘簞床別本就長夜作席

室



觀 恐醜少羞無面有頭虛日以弊消寡耗減別本作

虛印以

啞 涸別本陰沍寒常冰不温凌人情怠大雹為災別本

大雹作庖火下布

賁 夏麥麩麩別本霜擊其苾疾君取國使民別本天

傷

剝 淵涸龍憂箕子為奴干叔隕命殷破其家

復 跛踦相隨日暮牛罷陵遲後旅失利亾雌

无 桑之將落隕其黃葉失勢傾側別本如無所立

大音 生長別本以時長育根本陰陽相和歲樂無憂

頤 童女無夫別本未有匹配別本陰陽不和空坐

獨宿

大過 春令原宥仁德不合別本三聖攸同周國茂興

坎 金精耀毛本怒帶劍過午兩虎相距別本雖驚无

咎

離 危坐至暮請別本求不得膏澤不降政戾民忒

咸 老楊日衰條多枯枝爵級不進日下摧隕

恒 蔡侯適楚留連江濱別本踰時別本歷月思其君



后別本

遜 右撫劍頭別本左受別本鈎帶凶訟不止相與爭

戾失利肆市

大壯 水流趨下遠至東海求我所有買別本與別本鯉別本

晉 登几上輿駕駟南遊合縱散衡燕秦別本以別本強別本

明夷 求免得獐過其所望歡以相迎高位夷傷

家人 過時不歸道遠且迷旅人心悲使我徘徊

睽 魂孤無室銜指含食別本作御別本盜張民饋別本見別本

敵失肉別本作肉

蹇 居如轉丸危不得安東西不寧動生憂患

解 坤厚地德別本作載別本庶物蕃息平康正直以綏大別本作百

福

損 柵蔽別本作別本牡荆生賢山旁別本作別本仇敵背憎孰

肯相迎此下別本有上肯相迎下有肯四字

益 鳳凰銜書賜我元珪封為晉侯

夬 作凶不善相牽入井溺陷辜罪禍至憂有別本作別本禍別本滋

姤 悲鳴北行失其長兄伯仲不幸骸骨散別本作別本亾

萃 羔衣豹裘高易我家別本君子維好別本作別本新

仰未法之

易之大

易林卷一 泰

畫

照曠閣



升 日中為市各抱所有交易資貨貪別本珠懷寶心

悅歡喜

困 振急絕理常陽不雨物病焦乾華實無有

井 狐貉載剝凌宋校本温厚尊寒棘為疾有別本所

不足

革 履踐危難脫執去患入福喜門見誨大君

鼎 四亂不安東西為患退止我足毋出國城乃得全

完賴其生福

震 南國少子材畧美好求我長女賤薄不與反得醜

惡後乃大悔

艮 妄怒失理陽孤無輔物病焦枯年飢於黍

漸 倬然遠咎辟患害早別本作辟田獲三狐召貝宋校

本作為寶

歸 逐鹿山顛利去我西維邪別本作南北無所不得

豐 龍蛇所聚大水來處滑滑涕涕別本作使我無賴

旅 從風吹火牽騏驥尾易為功力因催別本受福

巽 澤狗水鳧難畜少雛不為家饒心其函別本逋

兌 水壞我里東流為海龜鳧謹囂不覩別本慈母

改諸子依章記



改 河 中 依 仲 之 章

渙 寒衣涉行水深漬多別本作深賴幸舟子濟脫無

他

節 龜厭別太作戢太平御覽引與宋校本合河海陸行不止自令枯槁

失其都市憂悔為別本作害无咎亦無及已未句別本無

中 同本異業別本樂仁正德東鄰慕義來與我國

過小 桃李花實累累別本作累累日息長大成熟甘美可食

為我利福

既濟 重瞳四乳聰明順理無隱不形微視千里災害不

作君子集聚

未濟 實沈參墟以義討九次止結盟以成霸功

否之第十二

否 秦為虎狼與晉爭強并吞其國號曰始皇

乾 天之奧府句首別本有江眾利所聚可以饒有樂

我君子

坤 天之所災凶不可居轉徙獲福留止危憂別本二字倒

屯 名成德就項領不試景公耄老尼父逝去

蒙 持宋校本作特善避惡福祿常存雖有豺虎不能為患

需 避患東西反入禍門糟糠不屬別本作足憂動我心



訟 珪璧琮璋執贄見王百里甯越別本應聘齊秦別本

師 揚水潛鑿使石潔白衣素朱表別本二遊戲別本

倒 臯沃得君所願心志娛樂

比 官爵相保居之无咎求免不得怕使恨悔別本作使

小畜 載元別本作車無禪裸程出門小兒作笑君為別本作子憂

患

履 把珠入口為我利實得吾所有欣然嘉喜

泰 行不如還別本作止直不如屈別本作可曲進不若別本作如退

可以安吉

同人 眾鬼凡別本作瓦聚還生別本作中有大怪九身無頭魂驚

魄去不可以居

大有 家給人足頌聲並作四夷賓服干戈橐宋校本作囊疑橐乃

囊字閣之訛

謙 人面鬼口長舌為別本作如斧斲破瑚璉殷商絕祀

豫 南山之峻以真人所在德配唐虞天命為子保祐飲

享身受大慶

隨 春桃生花華季女宜家受福多年男為邦君

蠱 鳴鴉破斧冲人危殆賴其忠德轉禍為福傾危復

大壯 乾正作 囊



立

臨 猿墮高木不踈手足保我金玉還歸其室

觀 天之奧隅堯舜所居可以存身保我邦家

噬嗑 伯蹇叔盲足病難行終日至暮不離其鄉

賁 日月相望光明盛昌三聖茂別本作茂功仁德大隆

剝 桃李花實累累別本作累累日息長大成就甘美可食

此下別本有爲我利福四字

復 入和出明動作有光運轉休息動作九康別本作所爲允

无妄 陰冥別本作衰老極陽建其德履離載光天下昭明功

業不長蝦蟆代毛本大王

大畜 行役未已新事復起姬姜勞苦不得休止

頤 狐鳴苑別本作室北飢無所食困於空邱莫與同力

大過 雄聖伏名人匿麟遠走鳳飛北擾亂未息

坎 病別本作疾貧望幸使伯行販開牢擇羊多得大牂

離 翁翁鞲鞲稍墜崩顛滅其令名長沒不存注見泰之謙

咸 華薄實稿衣敝如絡女功別本作巧不成絲布如別本作爲

玉

中子三換作人區麟驚



恒 温山松柏常茂不落鸞鳳所止別本得其歡樂

遯 失恃毋友別本作失恃母教嘉偶出走攫如失兔儼如喪

狗

大 太乙駕騶從天上求別本作來徵我季叔封為魯侯

晉 雙鳧俱飛欲歸稻池徑涉菴別本澤為矢所射傷

我胸臆

明 夷 深坑別本作坎復平天下安寧意娛心樂賴福長生

家 俱為天民雲過吾西風伯雨師與我無恩

睽 野鳥山鵲來集六博三梟宋校本作鳥四散主人勝客

蹇 北陰司寒堅冰不温凌人情怠大寇為災

解 伊尹致仕去桀耕野執順以待宋校本作傳反和无咎

損 北別本作秋風牽手相從笑語伯歌季舞燕樂以喜

益 徒宋校本從疑形訛巢去家南過過白馬鳥東西受福與母相

得

夬 鳥飛跌跛兩兩相和不病四支但去莫疑

姤 三牛生狗宋校本作駒以戌為母荆夷上侵姬伯出走

萃 破筐敝筮弃捐於道壞落穿敗不復為寶

升 結紐別本作紉得解憂不為禍食利供別本作遷家受福安

馬子依无

易水卷一 否

李 照曠閣



坐

困

白日陽

別本作揚

光雷車避藏雲雨不行各自還

宋校本作

止鄉

井

杜口結舌心中佛鬱去

宋校本作凶今从別本與比之咸合

災生患

無所告寃

革

賈貝贖狸不聽我辭繫於虎髯

別本作鬚

牽不得來

鼎

持

毛本作如

鶴抱子見蛇何咎室家俱在不失其所

震

逐兔山西利走入門賴我仁德獲為我福

艮

興役不休與民爭時牛生五趾行危為憂

改  
彙  
子  
依  
於  
江

漸

春粟夏梨少鮮希有斗千石萬貴不可販

別本作求

歸妹

悲號北行失其長兄伯仲不幸骸骨散

別本作敗

豐

賦斂重數政為民賊杼軸空盡家去其室

旅

履服白縞

別本作自敵

殃咎並到憂不敢

別本作能笑

巽

杜口結舌言為禍母代伯受患無所禱寃

別本作免

兌

免冠進賢步出朝門儀體不正

宋校本作步行賊

孽為患

渙

娶於姜女駕迎新婦少妻在門夫

別本作之

子悅喜

節

牧羊稻園聞虎喧謹畏

宋校本作思

恐悚息終無禍患

易本卷一 否

空

照曠閣



甲字 老妾据機緯絕不知女功不成冬寒無衣

小過 乘別本龍吐光使陰復明別本燎別本獵載聖六作陽

師以昌

既濟 東鄰嫁女為王妃后莊公築館以尊王別本母歸作主

於京師季姜悅喜

未濟 灌鵠東從別本作灌道頓跌時別本日食不退別本

作日辰病為身禍

同人之第十三

密橐別本作橐置山顛銷鋒鑄刃示不復用天下大勸

別本作歡

乾 一臂六手不便於別本作口莫肯與別本用利弃

我走

坤 獐鹿逐本本飽歸其居安寧別本無悔作息

屯 鴻魚逆流主毛本人潛渚別本蓬蒿代柱大屋顛作處

倒姜本注一作螟蟲為賊害我嘉穀中留空虛家無所食

蒙 三殺五牂相隨俱行迷入空澤經涉六駮為所傷

賊別本賊字在為字下○姜本注一作跛作難步道不反舍宿澤被亾其襦露袴

需 黃帝出遊駕龍乘馬東上泰山南國別本齊魯邦作過



國咸喜姜本注一作大夫祈父无地不步為吾相土莫如韓樂可以居止長安富有

訟 履危不安心欲東西步走逐鹿空无所得姜本注一作少

孤無父長失慈母悖悖熒熒莫與為耦

師 望尚阿衡太宰周公藩屏湯武立為侯王姜本注一作側

弃醉客長舌作凶披髮夜行迷亂相誤亾失居處

比 白龍黑虎起伏俱怒戰於阪兆蚩尤走敗死於魯

首 姜本注一作馬驚車破玉墜深津身絕魂去離其室廬貞難无虞

畜小 載石上山步跌不前頰眉之憂不得所歡姜本何本此下

有長思憂歎四字○姜本注一作東行述職証討不服侵齊伐陳銜壁為臣大得意還

坤之時作九於魚口

履 周德既成杼軸不傾申酉昝暮耄老衰去箴石不

祐 姜本注一作百足俱行相輔為強三聖翼事王室寵光

泰 乘雲帶雨與飛鳥俱動舉別本二字倒千里見我慈母

姜本注一作根本不固花落葉去更為孤嫗

否 齋貝贖狸不聽我辭繫於虎鬚牽不得來姜本注一作牧

羊稍園聞虎喧吼畏懼怵惕終無禍焉

大有 三翼飛來是別本作字我逢時俱行先至多得大利

謙 兩足四翼飛入我宋校本國寧我伯姊宋校本與

母相得



豫案民呼別本池玉盃文梭何本作天按魚如白雲

一國獲願別本

隨季姬踟躕望我城隅終日至暮不見齊侯君上別本

作居無憂

蠱龍渴求飲別本作龍黑雲翳從河伯捧觴跪進酒

漿流潦滂滂

臨出門逢患與福別本作怒為怨更相擊刺傷我手端

觀播天舞地神明所守別本作播衣樂安樂无咎

嗟兩金相擊勇氣鈞別本作武敢敵終日大戰不破不缺

賁車雖駕兩紉絕馬奔出雙輪脫行不至道遇害別本

作大車難駕兩引如繩馬奔山後輪脫不行中道遇害

剝文山紫芝雍梁朱草長生和氣王別本作與以為寶公

尸侑食福祿別本作神福來處

復把珠入口為我畜寶得吾所有欣然嘉喜

无負牛別本作車上山力劣別本作盡行難烈風雨雪遮遏我

前中道復還憂者得歡

大畜陶朱白圭善賈息資三致千金德施上人別本作仁

頤子鉏執麟春秋作經元宋校本聖將終尼父悲心



過大 春日載陽福履齊長四時不忒與樂為昌別本作目

坎 孔德如玉出於幽谷飛上喬木鼓宋校本作鼓其是鼓字之訛

羽翼輝光照國

離 區脫康居慕仁入朝湛露之歡三爵畢恩復歸穹

宋校本作窮 廬以安其居

咸 秋冬夜行照覽星辰道理利通終身何別本作無患

恒 鳴鵠抱子見蛇何咎室家俱在不失其所

遯 安如宋校本作和 泰山福祿別本作壽 屢臻雖有豺虎不能

危身

壯大 老目嘗眠別本作者 不知東西君失理命以直為

偃王珍其實別本作君上有歲字下二句作命直為曲王稱為寶

晉 植壁秉珪請命于河周公克敏冲人瘳愈別本作瘳

大何本 王執政歲熟民富國家豐有主者有喜

爭訟相背和氣不處陰陽俱否穀風母宋校本作無子

睽 齊魯爭言戰於龍門構怨結禍三世不安

蹇 鹿得美草嗚呼其友九族和穆別本作陸 不離邦域

解 百里南行雖微宋校本作微 復明去虞適秦為穆國卿

損 梅李冬實國多寇賊亂擾並作王不能制



益 府藏之富王以賑貸捕魚河海筍網多得巨蛇大

宋校本 戰於國郊君遂走逃

夫 牡飛門啓患憂 別本二 大解去老乘馬 別本無不

字倒 爲身禍

姤 宜昌娶婦東家歌舞長樂歡喜

萃 正陽之央甲 別本 氏以亾禍及留吁湮滅爲墟

升 鳧 宋校本 過稻廬甘樂麩 雖驅不去田峻懷憂

困 跛躄俱行日暮車傷失旅乏糧

井 龍門水 別本 穴流行不害民安其土君臣相保

革 山陵四 別本 塞過我徑路欲前不得復還故處

鼎 兩虎爭鬪血流漂杵城郭空虛蒿藜塞道

震 依東墻隅志下心勞楚亭晨食韓子低頭

艮 龍生無常或托空桑 宋校本 憑乘風雲爲堯立功

漸 魁行搖尾逐雲吹水 別本 汗泥爲陸下田爲稷

歸 妹 跛躄相隨日暮牛罷陵遲後旅失利亾雌

豐 三人俱行北求大牂長孟 別本 病足請季負囊柳

下之寶 何本毛本作責 不失驪黃

旅 鳳凰在左麒麟在右仁聖相遇伊呂集聚傷害不



至時無殃咎福為我母

翼

乘筏渡海

別本作河

雖深不殆曾孫皇祖累累具在

別本

此下有受其  
大福四字

兌

比目四翼來安吾國齋福上堂與我同床

渙

娶於姜呂

別本作女

駕迎新婦少妻

宋校本作齊

在門夫子

悅喜

節

螟蟲為賊害我稼穡盡

別本作冬疑俗作尺而訛

禾單麥秋無

所得

中孚

衣裳顛倒為王來呼成就東周邦國大休

小過

王孫季子相與為友明允篤誠升擢慶

別本舉

既濟

涌

宋校本作踊美本毛本作漏今从何本

泉滑滑流行不絕汗為江

海敗毀邑里家無所處聞虎不懼

何本作悸

向我笑喜

未濟

桑扈竊脂啄粟不宜亂政無常使心

別本作我

大有之第十四

大有

白虎張牙征伐東來

別本作華

朱雀

別本作鳥

前驅讚道說

辭敵人請服銜璧前趨

乾

南山太行困於空桑老沙為石牛馬無糧

別本作食

坤

蟠枝失岐

案疑亦蟠木析支之訛

與母別離絕不相知



屯 尊尊宋校本所言莫知我恒別本作莫 懽樂堅固

可以長安

蒙 李梅零墜心思憤憤懽憂少別本作小 愧亂我魂氣

需 火雖熾在吾後寇雖多在吾右身安吉不危殆

訟 虎臥山隅鹿過後胸弓矢設張狷為功曹伏不敢

起逐別本作遂至平野得我美草

師 三火起明兩滅其光高位疾顛驕恣誅傷

比 疋君別本作居楚馬別本作鳥 遇讒無辜久旅別本作散 離憂

小 一室百別本作十子同公同本作心 異母以義防患禍災不

起

履 商人行旅資無所宋校本有貪貝利珠留連王市

還家內顧公子何咎

泰 禹將為君北入崑崙稍進揚別本作陽 光登入温湯代

舜為治別本無此句 功德昭明

否 乾行天德覆幬無極嘔呼烹熟使各自得

同人 南國盛茂別本二字倒 黍稷醴酒可以享老樂我宋校本

以嘉友

謙 方船備水旁河然火終身為禍別本此下有與夫吉昌永得安康二



句

豫 雷行相逐無有休息戰於平陸為夷所覆

隨 躑躅脚躑拊心搔頭五晝四夜賭別本我齊侯作賭

蠱 大口宣脣神使伸言黃龍景星出應侯別本門與作德

福上天別本天下安昌作堂

臨 陰衰老極陽建其德離陽載別本光天下昭明字倒

觀 三塗五岳陽城太室神明所伏獨無兵革別本此下有

有保國

年豐歲熟政仁別本民樂利以居止旅人獲福字倒

賁 楚鳥逢矢宋校本不時別本久放離居無羣別本

天疑形誤作此哀詩以告孔憂作此

剝 出門大步與凶別本惡忤罵別本公詈母為我憂作詈

恥

復 火至井谷陽苾生角犯歷天別本闕觀太微別本

作極登上玉牀家易六公

无 妄 牧羊逢狼雖憂不傷畏怖既別本息終無禍殃作惕

畜 大 爾栗犧牲敬奉貴神別本享別本耆飲食受作神

福多孫望季不來孔聖厄陳

門中依於  
之臨以子  
微為弱



頤

大蓋治牀

別本作大澤治牀

南歸殺牂

毛本南販收牂姜本何本販作敗

長伯為我多得馬牛

毛本二字倒

利於徙居

大過

枯樹無枝與子分離飢寒莫養獨立哀悲

坎

天地九重堯舜履中正冠我

別本作衣

裳宇宙平康

離

鳧鷖遊涇君子以寧履

別本作復

德不愆福祿來成

咸

羸禮

別本作裸禮

逐狐為人觀

別本作所

笑牝雞司晨主母

信之小言作主母死門

恒

典冊法書

別本作言

藏在蘭臺雖遭亂潰獨不遇災

遯

三癡俱

別本作且

狂欲之平鄉迷惑失道不知昏明

大壯

瘰癧瘍疥

別本作疹

為身瘡害疾病癰疔

別本作疔

常不屬

逮

別本作危殆

晉

三豕俱走鬪於虎

別本作谷

口白豕不勝死於坂下

明夷

賴先

別本作主

之光受德之佑雖遭顛沛獨不凶咎

家人

上義崇德以建大福明哲且聰

別本作宜詰旦

周武立

功

睽

四亂不安東西為患

別本作恨

身止無功不出國城乃

得全完

別本二字倒

賴其生福

蹇

金牙鐵齒西王母子無有患殆減害道利

別本作涉道大



利

解 賀喜從福日 宋校本 作日 利蕃息歡樂有得

損 昊天白日照臨我國萬民康寧咸賴嘉 別本 作受福

益 左眇右盲視闇不明下民多孽君失其常

夬 吾家 別本 作有 黍梁積委 別本 二字倒 道旁有囊服箱運到

我鄉藏於嘉倉

姤 殊類異路心不相慕牝豕 宋校本 作豕 疑豕字之訛 無玃鯀無

室家

萃 雀行求食出門見鷓鴣蹶上下幾無所處

升 野有積庾 宋校本 訛庚 穡人駕取不逢虎狼暮歸其宇

困 膚敏之德發憤忘食虜 宋校本 作虎疑形訛今 从別本與師之觀合 豹

禽越為王求福

井 光祀 別本 作禮 春成陳項雞鳴陽明失道不能自守 別本

此下有消亾 為咎四字

革 左抱金玉右得熊足常盈不亾獲心所欲

鼎 履泥汗足名困身辱兩仇相得身為痛瘡 別本作 身其為

虐

震 安居重遷不去其塵 宋校本 作禾米 宋校本 作未 相聞



樂得常產

良 天災所遊凶不可居轉徙獲福留止危憂別本二字倒

漸 昧昧墨墨別本作默默不知白黑別本作日景雲亂擾光明

歸 隱伏犬戎來攻四字別本脫幽王失國

妹 鳧雁啞啞以水為宅雌雄相和心志別本作常共娛樂

得其所欲

豐 長生無極子孫千億柏柱載梁青宋校本堅固不傾

旅 麒麟鳳凰善政得祥陰陽和調國無災殃

翼 天之奧隅堯舜所居可以存身保我室家

兌 配合相迎利之四鄰別本作鄉昏以為期與福笑喜

渙 砥德礪材果當成周拜受大命封為齊侯

節 與福俱坐畜水備火思患豫防四字別本脫終無殃禍

中 晨昏潛處候明昭昭別本作候時煦煦卒逢宋校本白日

為世榮主

小 視日宋校本再光與天相望長生懽悅以福為多

別本作與福為兄

既 濟 大頭明目載受嘉福別本作二雀飛來與祿相觸宋臨

單本作

原分二句又見此字家人



未濟 榷生荆山命載別本 輸班袍衣剝脫夏熱冬寒立

餓別本 枯槁衆人莫憐作成

謙之第十五

謙 王喬無病狗頭不痛跛 失履乏我送從宋校本

跛作破疑 皆形訛

乾 喋囁處曜別本作囁 昧冥相待別本 多言少實終

別本 無成事作語

坤 北辰紫宮衣冠立中含和建別本 德常受大福別本

此下有鉛刀攻玉 堅不可得二句

屯 東壁餘光數暗不明主母嫉妬亂我事業

蒙 下背其上盜別本 明相別本 讓子嬰兩頭陳破其

虛

需 鳳生會稽稍巨能飛翱翔往來別本作 爲衆鳥雄

訟 鑿井求玉非卜別本 氏寶名困身辱勞無所得一作

師卦

師 邦傑載殺別本 道別本 至東萊百僚具舉君王嘉

喜一作訟卦

比 安息康居異國同別本 廬非吾邦域使伯憂惑別本

故子休只三年 改故子休同



成作

畜小

江河淮海天之都市商人受福國家富有

履

同本異葉樂仁上

別本作尚古上尚通

德東鄰慕義來與吾

國

泰

白鶴銜珠夜室反

宋校本作食為

明懷我德音身受光榮

否

踐履危難脫厄去患入福

別本作臨

喜門見吾邦

別本作母

君

宮商既和聲音相隨驪駒在門主君以歡

同人大有

天地配享六位光明陰陽順序以成厥功

豫

江河淮海天之奧府眾利所聚可以饒有樂我君

子

隨

雙鳥俱飛欲歸稻池經

別本作徑

涉萑澤為矢所射傷

我胸臆

蠱

留

別本作伯

仲叔季日暮寢寐裸臥失限

別本作明

虐我具

囊

別本作喪

我其囊

別本作卸

却道傍

臨

受終文祖承衰復起以義自閑雖苦无咎

觀

据

別本作旋

斗運樞順天無憂與樂並居

別本作俱

噬嗑

周師伐紂戰於牧野甲子平旦天下悅喜

隨之大畜



賁 十雌百雛常與母俱抱雞搏虎誰敢害諸

剝 桀跖並處人民愁苦擁兵荷糧戰於齊魯

復 南山昊天刺政改閔身疾悲無辜背憎為仇

无 百川朝海流行不止道雖遼遠無不到者

大 目不可合憂來搖足悚惕危宋校本懼去我別本

畜 邦域

頤 鳥鳥升鵠舉照臨東海龙降庭堅為陶叔後封圻英

大 六別本作履祿別本作綏厚

過 北山別本多棗橘柚所聚荷囊載黍別本盈我筐

筐

坎 懸貍素飧食非其任失望遠民實勞我心

離 羔羊皮革君子朝服輔政扶德以合萬國

咸 齊魯爭言戰於龍門構怨致禍三歲不安

恒 久陰霖雨塗行泥潦商人休止市無所有

遯 桃雀別本竊脂巢於小枝搖動不安為風所吹寒

心慄慄常憂危殆

大 壯 防患備災凶惡別本不來雖困無憂未得安休末

別本 脫



晉

引頸

宋校本作順

絕糧與母異門不見所權孰與共言

明夷

鱗鰕去海藏於枯里街巷徧隘不得自在南北極

遠別本作無極

渴餒成疾

人家

恭寬信敏功加四海辟去不祥喜來從母

睽

歲飢無年虐政害民乾谿驪山秦楚結怨

蹇

右目無瞳偏視寡明十步之外不知何公

解

蝟蟪歡喜草木嘉茂百巢蕃熾日益多有

損

常德自如安坐無尤幸

宋校本作莘

入貴鄉到老安榮

益

狡兔趨趨良犬逐咋雄雉受害為鷹所獲

夬

春桃生花季女宜家受福多年男為封君

姤

山石朽弊稍

何本作消

崩墜落上下離心君受

別本作失其

崇別本作崇

萃

水壞我里東流為海龜鳧謹囂

別本作譁

不睹我家

升

七

別本作十

竅龍身造化八元法天則地順時施恩

別本

作富貴長存

困

四夷慕德來興我國文君陟降同受福德

別本作合受其

德

井

華首山頭仙道所遊利以居止長無咎憂



革 鷓鴣徙巢別本作來西至平州遭逢雷雹闢別本作損我葦

蘆室家飢寒思吾故初

鼎 狗無前足陰謀別本作雄叛背別本作北為身害賊

震 陽孤亢極多所恨惑車傾蓋亾身常驚惶乃得其

願雌雄相從別本作存

艮 空槽注別本作住猪豚彘不至宋校本作到張弓宋校本作公祝

雞雄父飛去

漸 長夜短日陰為陽賊萬物空枯藏於北陸

歸 爪牙之士怨毒所父轉憂與別本作於已傷不及母

豐 拜跪請免不德毛本何本作得臭腐挽眉別本作俛首銜指低

頭別本作不得北去

旅 有莘季女為王宋校本作夏妃后貴夫壽子母字四海

巽 季姜踟躕待孟城隅終日至暮別本作旦不見齊侯

兌 邯鄲反言父兄生患涉此憂恨宋校本作涉叔援

之睽 卒宋校本作一死不還

渙 逐鹿山巔利去我西維邪南北利無別本作所求不得

節 穿鼻繫株別本作珠為虎所拘王母祝福別本作福禍不成

災突然自來



中孚

虎豹熊羆遊戲山谷君子仁賢皆得所欲

小過

梅李冬實國多盜賊擾亂並作王不能別本作得

既濟

望幸不到文章未就王子逐兔犬踣不得

未濟

千柱百梁終不傾僵仁智輔聖周宗寧康

豫之第十六

豫

冰將泮散鳴雁噉噉丁男長女可以會同生育聖

別本作賢人

乾

罷馬上山絕無水泉喉焦唇乾口不能言

坤

蔡侯朝楚留連江濱踰時歷月思其后君

屯

文厄羨里湯拘別本作囚夏臺仁聖不害數困何憂免

於縲索別本作縲為世雄別本作明侯

蒙

典冊法書藏在蘭臺雖遭亂潰獨不遇災

需

羶裘膾國文禮不飭跨馬控弦伐我都邑

訟

星隕如雨弓別本作力弱無輔強陽制陰別本作強不

得安土

師

蝗嚙我稻驅不可去實穗無有但見空藁

比

虎飢欲食為蝟而別本作所伏禹導龍門避咎除患元

醜以安



蝙蝠夜藏不敢晝行酒為酸漿魴鳧鮑羹

履別本精華墮作墜落形體醜惡齟齬頓挫枯槁腐蠹

泰兩足不獲難以遠行疾步不能後旅別本失時作倡

否令妻壽母宜家無咎君子之歡得以長久

同宋校本多亂纏緒不可得經

大宋校本子鉏執麟春秋作隱宋校本元聖將本作陰此从姜本

終尼父悲心

謙螟蟲為賊害我稼穡禾殫麥盡秋無所得

隨憂在腹內山崩為疾禍起蕭牆竟制其國

蠱茹芝餌黃飲食玉瑛與神別本流通長無憂凶

臨一夫兩心拔宋校本刺不深所為無本作技今从何本

功求事不成

觀十里望烟散渙四方形容滅終不見君

嗑張弓控宋校本弩經涉山道雖有伏虎誰敢害諸

賁泉閉澤竭王別本母飢渴君子困窮乃徐有說別本

剝野鳶別本山鵲奕棋六博三梟四散主人勝客作猿

復羊驚馬走上下揮擾鼓音不絕頃公奔敗

夫之成作委在  
腹內崩為疾禍  
起蕭牆竟制其  
國

不聖依天示  
聖以  
觀之升



元 妄 黃帝神明八子聖聰俱受大福天下康平

大 畜 住車別本 醜酒疾風暴起泛亂福器飛揚位草別本

作馬 早明神降祿別本 道無害寇作佑

頤 騰蛇乘龍宋鄭飢凶民食草蓬

大 過 揚水潛鑿使石潔白裏素表朱遨遊臯澤得君所

願心志娛樂

坎 西過虎廬驚其別本 前樞別本 雖憂無尤別本

離 衣成無袖別本 不知所穿客指東西未得便安作危

咸 晨風文翰隨時就温雄雌別本 相和不憂危始字到

別本二  
字倒

恒 心多恨悔別本二 出言為怪臬鳴于別本 北聲醜作室

可惡請謁不得

遯 離女去夫閔思苦憂齊子無良使我心愁別本 作悲

大 壯 過時不歸雌雄苦悲徘徊外國與叔分離

晉 鵲巢柳樹鳩奪宋校本 其處任力德薄別本 與御覽引合

天毛本作人御覽引 命不佑亦作天與宋本合

明 夷 鶴盜我珠逃於東都懷別本 怒追求郭氏之墟不

見踪跡使伯心憂



人家 夫婦相背和氣弗處陰陽俱否莊姜無子

睽 月走日步逃別本不同舍夫妻反目主君失位別本

居作

蹇 洛陽嫁女善逐人走三寡失夫婦妬無子

解 周德既成杼軸不傾太宰東西夏國康寧

損 日中為市交易資寶各名利所有心悅以喜

益 童妾獨宿長女未室利無所得

夬 忠言輔成王政不傾公劉兆基文武綏之

姤 牛驥同堂郭氏以亾國破為虛主君奔逃別本

萃 中原有菽以待雉食飲御諸友所求大得

升 多虛少實語不可覆別本尊虛別本無酒飛言如

雨

困 青蠅集蕃君子信讒害賢傷忠患生婦人

井 履株覆輿馬驚傷車步為我憂

革 商風召寇呼我北盜間謀內應與我爭鬪殫已寶

藏主人不勝

鼎 逸豫好遊不安其家惑於別本作少姬久迷不來

震 吾有驂騑畜之以時東家翁孺來請別本我車價



極可與後無賤別本作賊悔

艮 厄窮上通與堯相逢登升大麓國無凶人

漸 衆兔俱走羆別本作熊羆雄在後騎別本作騎不能進失信

寡處

歸 旁行不遠三思復返心多畏惡別本作患中日別本作十日

止舍

豐 倉唐奉使中山以孝文侯悅喜子擊徵召

旅 入天門守地戶居別本作君安樂不勞苦原註一作文山蹲鴟肥臚

多脂王孫獲願載福魏巍

翼 登階上堂見吾父兄左酒右漿與福相迎

兌 秋蛇向穴不失其節夫人姜氏自齊復入

渙 忍醜少羞無面有頭耗滅宋校本作滅耗疑形訛寡虛日以

削消

節 景星照堂麟鳳遊別本二字倒翔仁施大行頌聲以別本

作興並

中 于旄旌旗執幟在郊雖有寶珠無路致之

小 李華再實鴻飛降集仁德以興陰國受福

既 白馬別本作鳥赤鳥戰於東都天輔有德別本無此四字敗悔



為憂

未濟

採薪得麟大命隕顛豪雄爭名天下四分

易林卷一

終



